




ANGLORVM

PRÆLIA







I,

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Wanting II. N. O.
T.p. misbound in Sig M
Accession Number

Press Mark

OCKLAND, C.
Anglorum praelia. 1582
STC 18773 or 18773.3 or .7

65630/A

ANGLORVM PRÆLIA
ab anno Domini. 1327. anno
nimirum primo inclytissimi Princi-
pis Eduardi eius nominis tertij, vsque ad annū
Domini. 1558. Carmine summatim perstricta.

ITEM.

*De pacatissimo Angliæ statu, imperante Eliza-
betha, compendiosa Narratio.*

Authore CHRISTOPHORO OCLANDO, primò
Scholæ Southwarkienfis propè Londinum, dein
Cheltenhamensis, quæ sunt à serenissima sua
Maiestate fundatæ, Moderatore.

*Hæc duo Poëmata, tam ob argumenti gravitatem
quàm Carminis facilitatem, Nobilissimi Regiæ Maiestatis
Consiliarij in omnibus huius regni Scholis præ-
legenda pueris præscripserunt.*

Hij Alexandri Neuilli K E T T V M: tum propter argu-
menti similitudinem, tum propter orationis
elegantiam adiunximus.



LONDINI:

Apud Radulphum Nuberie, ex assignatione
Henrici Bynneman Typographi. ANNO. 1582.

Cum privilegio Regiæ Maiestatis.



Regum Angliæ nomina,

*quorum auspicijs hac bella
gesta sunt.*

Eduardus tertius.

Richardus secundus.

Henricus quartus.

Henricus quintus.

Henricus sextus.

Eduardus quartus.

Richardus tertius.

Henricus septimus.

Henricus octauus.

Eduardus sextus.

Philippus & Maria.



LONDINI:

Apud Radulphum Nabur, ex assiguatione
Henrici Typographi Anno 1552.

Curia Regia Regis Henrici.

ELIZABETHA.

Sanguinis innocui cū facta effusio magna est.
 Vir pius, excelsq; animo, vi muneris emptus
 Nulla, qui nulla potis est corrumpier arte.
 Fœlix qui loquitur supplex cum numine sacro,
 Sed tacite, mox post indutas corpore vestes,
 Auspiciū sumens cuiusq; precando diei.
 O utinam multi similes huic Regibus essent.
 Sacratīs à consilijs, respublica fausta
 Tunc foret, & verè tunc aurea secla redirent.

Commendatus item varijs virtutibus alter
 Wilsonus, dudum vita migravit ab ista.
 Vitur his princeps, est consultoribus v'sa
 Iam pridem, quid enim rectè sit, quid benè sanus
 Consilium dubiā si spernas vtile mente.
 It sine consilijs pessum Respublica, quæ si
 Iustitiæ trutina sacrata & lancibus aequis
 Pensiculata suum gratis dant cuique beatos
 Constituunt ciues & fœlix undique regnum.
 Altas edificat solers sapientia turres,
 Per quam traducunt Reges fœliciter ævum,
 Pax viget his terris, & pleni copia cornu
 Florigeris latè frugum diffunditur arvis.
 Sic solet è cœlis Dominus benedicere genti,
 Sic benè sit populo & terra quæ Numen honorat,
 Pectore quæ toto Iouem timet omnipotentem,
 Et sapit in Domino, namq; hæc sapientia vera est
 Scire Deum, Gnatumq; suum, quem misit Iesum
 In mundum hunc, à delictis ut purget opertis
 Credentes in eum nigranti liberat Orco.

D. Wilso-
nus.

Mij.

O natale

ELIZABETHA.

Onatale solum sapias precor Anglia parte hac,
 Ut gratè agnoscas Iouæ benefacta potentis
 Omnia, & ut semper des grato pectore grates,
 Quid maius meliusue dari mortalibus optes?
 En dedit affectam diuina mente magistram
 Imperij, quæ cùm docta, ingeniosa, seuera,
 Et mitis, veneranda, pudica, animosa, verenda,
 Sceptra manu tenera moderetur, commoda Princeps
 Tot tibi contulerit, quot Regum nemo priorum,
 Ut quæ vera Dei sit, religionè fruare.

Pax Angliæ
 per xxij.
 annos.

Tres & viginti gaudentes pace Britanni
 Annos tranquilla, terraq; mariq; vagentur
 Immunes damni, quod fert lachrymabile bellum.
 Nec pacis studiosa domi solummodo ciues
 Tutata est, voluit toto conamine mentis
 Atq; voluntatis propensa inhibere furores
 Externi populi, telo sibi vulnus acuto
 Infligentis, & in mortem sub Marte ruentis
 Horrissonò, fratri cùm mutua vulnera frater,
 Vicino dirum læthum cùm proximus infert.
 Velle hominum est præuertentis sub numinis umbra
 Perficit at re velle suum sine numine nemo,
 Quod pars fortè hominum grauiore meretur inique
 Supplicio plecti, latet aut hæc cognita soli
 Causa Deo mundi moderanti cuncta suopte
 Arbitrio, cuiusq; opus altè machina cœli.
 Nobilis & præstans est ignoscentia virtus,
 Hac quanquam potis est, si vult, excelsior & vis
 Mentis inest, iram strictis compescit habenis,

Multiplex
 Elisabethæ
 virtus.

Delictis

ELIZABETHA.

Delictis multam grauius quandoq; remittens.

Hoc priuata prius nondum diademate sumpto.

Fecerat, hoc facit & princeps diademate sumpto.

Illata est vehemens à magno iniuria Rege,

Qui multas calido spes concipiebat opimas

Pectore, bile tumens aliena rapacior acri

Attraxit, si pace mihi fas vera fateri

Magnanimi Regis, contra praecepta Tonantis,

Alterius quod iuris erat cupiebat auarus,

Persoluit q; suo mox dignam crimine poenam,

Multatus medio mortis mercede triumpho.

Elisabetha domi consedit nescia facti.

Quis propugnator nostra pro Principe tanta

Confecit subito celeri miracula nutu?

Quis causam regni tanto defendit ab hoste,

Quis? nisi qui cælum, terras, & temperat aquor.

Quid nurus extincto dilecti patre mariti,

Aggressusq; noui trux eius auunculus autor,

In Scotiam mittens Hyberno sydere Gallos

Complures, sano pars quorum turbine mersa

Fluctibus in medijs magni tentaminis asprum

Nescit euentum, vallo pars cetera clausa,

Et fossis Letha in gremio mutare coacta

Quas coepit sedes, in vestros Gallia fines

Auehitur, proprias repetens per dedecus oras.

Externo Deus hanc ut defendebat ab hoste

Reginam nostram, sic nullo sanguine fuso,

Ecce domi nostra post hac pro Principe pugnans

Istius regni Boreali in parte morantes

M.ij.

Dig-

1560

Deus pug-
nat pro Eli-
sabetha.

ELIZABETHA.

1569. *Dignatus fuerat ciues superare rebelles.
Quos Varnicensis Comes, & Suffexius Heros
Perdomat, Howardus vix pugna clarus equestri
Carolus Ho Incepta, Scotia montesq; fugauit ad altos,
nardus. Serius accepto sapit & piscator ab ictu.*

1580. *Quid nulla dubiaue fide lucratur Hybernus?
Pestifera feruens qui seditionis amator,
Aut syluis tegitur mediane palude cubare
Dynasta Assuescit, socius non illius aduena stricto
Graius. Cogitur Herois Gray procumbere telo?*

G. Wingerus *Nauibus egressus aderas Wintere, tuasq;
Bombardas sensere suum proscindere vallum
Hispanus, Papa & stipatus milite Ductor.
Elisabetha domi foelici pace triumphat,
Spero triumphabit quot Debora rexerit annos,
Cui vitam studiumq; Deus, regniq; coronam
Perpetuet, beet, & tranquillo prosperet usu.
Postq; hanc exactam vitam, studium, atq; coronam,
Coelesti vita studio, diademate donet.*

Amen.

FINIS.



AD ILLVSTRIS-
SIMAM POTENTISSIMAM QVE
PRINCIPEM, D. ELIZABETHAM, ANGLIÆ

*Francia & Hibernia Reginam, fidei
propugnatricem.*

Regia Nympha, soli moderatrix alma Britanni,
Qua pace & vera religione nites,
Qua vita meritis, morum & candore coruscans,
Zenobiam vincis, siqua vel antè fuit:
Iunonem sceptris, Venerem vulu, arte Minervam
Qua exprimis, & plusquam famina, mente sapis:
Lenis ades, fœlixq; meis illabere cœptis,
Vulnus (Dina) tuus numinis instar erit,
Grande opus est, impar tanto succumbo labori,
Ni fausto nobis sydere Dina mices.
Dina mica, proanosq; tuos & auita trophæa
Qualia, qua fuerint, per tria sæcla, vide.
Quorum cum teneas solū, diadema, vicesq;
Illorum bellis gloria parta, tua est.
Nec sane insipidum est, describere bella puella,
Vt pax, sic docta Palladi bella placent.
Hoc opus ergo precor Princeps, lege fronte serena:
En ego iudicio stōne cadōne tuo.
Abijciant omnes, conculcent, nil moror, omnes:
Vni (si possim) posse placere sat est.
Det Deus, vt semper geniali pace fruaris,
Et superes proanos gloria, honore tuos.

Maiest. tue obsequentiissimus

CHRISTOPHORVS OCLANDVS
A. iiii.



In hæc Christoph. Oclandi

Anglorum prælia. Tho: Newtonus.

Oclandi hos quisquis trutina librauerit æqua
Centones, Britonum dum canit arma Ducum:
Quodam iure potest illum vocitare Britannum
Phosphoron, historiæ deliciâsq; nouæ.
Aurea dulcisonæ qui callet plectra Thaliæ,
Inquæ leues Clio cui venit alma modos.
Nec quisquam, nisi stips, caprimulgus, tressis agaso,
Caudex, scurra, lapis, rabula, carpet eam,
Enthea vis tanta est, bello vt metuenda Virago
Non se alicundè decus tantum habuisse putet.
Tanta fides, tantusquæ lepos, tam grata venustas,
Tanta Charis, Pithô, Suadaquæ tanta nitet.
Suasilis Oclandi Taratantara talia pandit,
Dum sonat altifona bella cruenta tuba.
Bella cruenta quidem, quibus vsque Britannica virtus
Emicuit victrix, atque brabeia tulit.
Pollice dumque habili multa effert, multa Timantis
Obiuluit velo, multa reclusa notat.
Inuideat Latium, fileat iam Gallia pugnax,
Obmutescat Iber, murmuret atque Scotus.
Fœlices Angli Heroes, queis talis Homerus,
Tyrtæusquæ bonis obrigit auspicij.
Iam Phlegetontæis non vestra trophæa cauernis
Squalleant, vt pereant ilia rupta Codro.

Thomas Newton, Cestreshyrinus.



A Copie of the Letters directed by

hir Maiesties High Commissioners in causes Ecclesi-
asticall, to all the Bishops throughout hir Highnesse
dominions of England and Wales, by especiall order
from the Lordes of the priue Council, for the publike
reading and teaching of this Booke in all Grammar &
Free schooles within their Diocesles.



IF T H R our hartie commendations
etc. Whereas we of hir Maiesties high
Commissio Ecclesiastical, haue recei-
ceiued Letters from the Lordes of hir
Hyghnesse moste Honourable priue
Counsell, That wee shoulde directe
order to all the Bishops of the Realm,
to cause to be receiued and publiquely read and taughte in
all Grammar and freeschooles within their seuerall Dio-
cesles a Booke in Latine verse of late imprinted, entituled.
Anglorum Prelia, set forth by one Christopher Ocklande,
as by the true Copie of their Honours Letters, whiche wee
sende you heere inclosed, it maye appeare vnto you. These
are therefore to require you, according to their Honours
pleasures signified to vs in that behalfe, forthwith vpon re-
ceit hereof to take present order within your Dioces for the
due accomplishment of their saide Letters accordinglye.
And so we bidde you heartily farewell. From Lon-
don the seauenth of May. 1582.

Your louing Friends,


Iohn London. Owin Hopton.

Da: Lewes. W. Fleetwoode.

Bar: Clerke. Pet: Osborne.

W. Lewyn. Tho. Fanshaw.









NNO Christiana salutis millesimo, quingentesimo, quadragésimo nono, cū ad regem Edwardum eius nominis sextū, cōsiliū graviter cōquesti esset, agros publicos intercepti, & à privatis quibusdā hominibus circūsepi: eius rei cura auctoritate regia hominibus gravissimis ac integerrimis delata est, quastioq; constituta, iussiq; ut primo quoque tempore de istiusmodi querelis inquirerent: & ac tota re quā fieri posset maturè cognoscerent atque deliberarent. Quod cū exisset in vulgus, palamq; fieret, varijque rumores dissiparentur, ac inter cetera CANTIANOS fossas cōplesse, & agros (quōdam publicos) scrobibus ac sepiū munimentis interclusos aperuisse, id quia similiter in provincia Norfolciensi factum non esset, de plebe homines quidā tennes ac seditiosi, aperte fremere ac indignari cœperunt. Exin immani se scelere ac nequitia cōstrinxerūt, ut ipsi cōtra quā fas esset, atq; iniussa Regis idem facere conarentur, quod in Cantio factitatum esse audierant: cupientes (tamen ut exitus docuit) non tam agros publicos ab iniuria quorundam qui eos vallis ac sepiibus circummunierant vindicare, quā nefariam nefarijs sensibus inclusam, omnia percundi perdendiq; libidinem in remp. profundere. Ex quo bellum patriæ pergitiosum, & sibi met ipsis exitiale consuevit. Nam cū fama istius nefandæ societatis multarum sermone percrebuisse, passim clandestina concilia iniri

Og.

cepta,

coep̄ta, multiq̄ multis in locis obscuri & ignobiles
viri suam Fortunam conqueri, ac in generosorum at-
que nobilium potentiam intemperantiùs inuehi cœ-
perunt.

“ ENIMVERO intolerandam iam procerum su-
“ perbiā videri, suam vero cōditionem miserrimam.
“ Hos affluere delitijs atq̄ omni rerum copia circūfū-
“ di, languidisq̄ liquefactos voluptatibus auaritia dū-
“ taxat ardētī, & flagrantissimis cupiditatum facibus
“ inflammarī. Se labore & vigilia penē enectos, nihil
“ aliud in omni aetate facere, nisi sudare, algere, esurire,
“ sitire. Quæ quidem quamuis misera videātur & in-
“ digna (sunt autē proculdubio indignissima) ferri ta-
“ men utcūq̄ posse, si non hijs efferuescentibus mala-
“ rū delectationū fretis immersi, aliorum inopiā cala-
“ mitatēq̄ insolenti nimis fastidio insectarentur. Nūc
“ verò se suamq̄ fortunam hominib. superbissimis, om-
“ niq̄ mollitia & otio desluentibus ludibrio esse, eam rē
“ (sicuti debet) tantū menti dolorem inurere, tantamq̄
“ famæ turpitudinē infligere, nihil ut sibi nec ad cōme-
“ morandum acerbius esse possit, nec ad tolerandū ini-
“ quius. Illam verò agri possidendi conditionē misera-
“ bilem ac planē seruilem videri, ad procerū libidinem
“ tenere se omnia, non liberè, sed ex præscripto & tan-
“ quam ad domini voluntatem ac nutum: continuo si-
“ mulac quisquam aliquē ex purpurati istis offende-
“ rit, fortunis omnib. exui, priuari, deturbari. Quousq̄
“ tantam dominandi libidinem inultā sinerent? Iamq̄
“ eò deuenisse crudelitatis & auaritia, ut non contenti
“ sine

sint omnia rapere, spoliare, & per vim ac scelus ad-
 pisci, quæ in luxum muliebresq; delitias profundant:
 nisi etiam sanguinem penè ipsum, medullaq; ex venis
 & ossibus exsuxerint. Agros publicos sibi ac suis sub-
 leuandis à maioribus relictos adimi: prædia quæ pa-
 trum memoria communia essent, ea nunc fossis ac se-
 pibus distingui: pascuis scrobes circumduci: omnes
 sibi aditus intercludi. Quicquid volucrum cælū cō-
 tinet: quicquid piscium mare complectitur: quicquid
 frugum terra parit, & fudit hoc omne illos deuorare,
 consumere, absorbere. Naturam non sufficere ad libi-
 dinem explendam: nouas quoq; artes excogitasse, &
 tanquam disciplinas voluptatum: condire, suffire, a-
 romatibus circumfluere, suauia suauibus affundere,
 omnia deniq; undiq; cupiditatum instrumeta, ac le-
 nocina libidinum conquirere, cū illi interim herbis
 ac radicibus vescantur, ac continuo labore tabescant.
 Enimuerò quod viuunt, quod spiritum ducunt, quod
 libero cælo ac aëre fruuntur indignari? Num sicut a-
 gris publicis sepes prætendissent, sic omnia huius vite
 commoda incunditatesq;, quas parens natura com-
 munes esse vult, sibiq; quotidie æquè atq; illis perfun-
 dit, illorum quoq; intollerenda libido circumuallaret?
 Non posse amplius tantam ac tam crudelem iniuri-
 am perferre, nec æquis oculis tam immanem nobili-
 um auariciam, luxuriam, arrogantiam intueri: rui-
 tuos se potius in arma, & terram cælo misturos, quā
 posthac tam atrociam paterentur.

" Naturam ut illis, sibi quoque prouidisse, corpus & a-
 " nimam dedisse, num cetera inuidisse? Formam cum ha-
 " beant eandem, & sortem nascendi communem, cur
 " haberent vitam dissimilem, & disparem fortunam?
 " Videre se ad extrema ventum iam esse, velie quoque
 " extrema experiri. Septa disturbare: fossas complere,
 " aditum ad publica unicuique patefacere: omnia denique
 " que illi non minus nefarie, quam auare crudeliterque
 " circumsepissent solo adequare. Nec utique passu-
 " ros se amplius oneribus inuitos premi: nec tantum de-
 " decus admissuros, ut in his malis consenescentes, po-
 " steris miseram ac lugubrem Rempublicam relin-
 " quant, & multo quam à maioribus acceperant peio-
 " rem. Quamobrem omnia se tentaturos: neque un-
 " quam nisi rebus ad arbitrium compositis quieturos.
 " Cupere se libertatem, & permixtam omnium rerum
 " licentiam, hanc velle: alioquin huius tumultus eun-
 " dem qui vitæ finem futurum.

His irarum fluctibus & querelarum veluti tempe-
 statibus iactati, concitarunt se inuicem perditum ac
 prostratissimum nebulones, passisque velis ad ea scelera
 prouecti sunt, quibus & periculum patriæ, & sibi-
 metipsis exitium intulerunt.

Ac non ita multo post contigit, ut ludi ac specta-
 cula WYNDHAMIAE celebrarentur, antiquitus
 ita instituta, ut biennio, duabusque noctibus perpetuis
 continuarentur. Ad quæ cum ingens omnium ordinum
 concursus fieret, proditores nequissimi in hoc solum-
 modo intenti erant, ut virus inuidiæ suæ in patriam
 enomerent

enumerent loci tantum oportunitatem ac temporis expectantes. Itaq³ primum clandestini fiebant coitus hominum huc & illuc discurrentium, deinde secessiones & occulta colloquia: ad extremum verò tumultuari omnes & aperte insanire coeperunt. Cumque inaudissent, Robertum quēdam Ketum, Cōriarium, hominem ferum ac agrestem, importunaq³ audacia ac violentia effrenata præditum, agri aliquantulum quod aliquando publicum fuisset, circumcluisse, ad eum pleni furoris ac amentie conuolauerunt, illique quæ ab illis consilia pacis perturbanda inita fuissent exponunt, ac vehementer ab illo deposcunt ut quicquid publici circumsepisset, protinus renulsis sepi- mentis ac solo adequatis, patriæ atq³ illis (communi utilitati consulentibus) concederet.

KETTUS, ut qui ysdem furorum flammis arderet, quibus isti conflagrauerunt, facile passus est sese in societatem tam execrandi facinoris ascisci. Respondet, Omnia se facere paratum, præstog³ semper futurum nō ad reprimendam solum, sed ad comprimendam procerum potentiam: sperare se breui effecturū, ut sicut illos arumne, sic istos superbia pōnente. Multa nefanda, quæ per hos annos perpeffi essent, ostendit: multas iniurias ac calamitates quibus affecti, afflictiq³ fuissent: Iubet mactē virtute esse, potentiam hanc tantam, tantam auaritiam, tantam ac tam inauditam in omni genere crudelitatem, Deo hominibusque omnibus inuisam ac execrandam videri. Damna quæ Rebus publicis,

O.iiy.

agris-

“ agrisq³ communibus, ab importunissimis dominis im-
 “ portarentur, ab illorum iniurijs se vindicaturum pol-
 “ licetur, daturumque operam, ut cui agro ille fossam
 “ circumdedit, id denuo sibi cum omnibus publicum
 “ ac commune fiat, illaq³ sese primo quoq³ tempore su-
 “ is manibus completurum. Accidit ad extremum, se
 “ commodis illorum nunquam defuturum: habituros
 “ illum nō comitem, sed Ducem: non tanta rei gerendæ
 “ socium, sed signiferū, aut horem, principem. Omnibus
 “ deniq³ consilijs non interfuturum solū, verum etiam
 “ perpetuū prefuturum.

His illi despicatissimi viri, ac omnium qui unquā
 post homines natos exstiterunt turpissimi, vocibus
 accensi: cū undiq³ circumfusi & gratulabundi
 succlamassent, repente velut agmine facto in agrum
 quendam Ketti villula Wyndamia continentem &
 adiunctum, omnis multitudo sese effudit, ibiq³ (sicut
 constituerant) fossis terram obducunt. Quod cū
 fecissent tanquam effrantes equi, ad eam quam opini-
 onis errore sibi consinxerant vivendi licentiam ad-
 hinnientes, partim audacia ipsimet sua, & hoc inani
 rerum successu confisi partim ducis adhortationibus,
 & clamoribus, tanquam facibus ardentibus in-
 flammati, incredibile dictū est, quantis furiarum
 flammis ad pacem perturbādam, & statum Reipub-
 lica labefactandum exarserint.

Exinde HETHERSETVM proficiscuntur (quod
 oppidulū non longē distat ē Wyndamia) atque illic in
 agrum

agrum Flowerdui cuiusdam impetum faciunt, fossas complent, septa deturbant, claustra refringunt. Ad hos tumultus magnalis & altercatio orta est, cum Flowerduus dolore & iracundia grauiter exarscens, Kettum acrius increpasset, illi^q crimini daret, utpote qui hanc plebem indomitam & rebellem conciuisset, subinde eum nefarium virum, patriæ pestem, & fugitiuorum ducem appellans. Atque ab hoc quidem Flowerduo (quoad licuit) illorum scelere occupatum est, retardat^q conatus: factum^q quantum potuit à fide inermi fieri, contra perfidiam instructam & armatam. Quibus illi dictis factis^q vehementius accensi, cum Ketto vociferabundi circumfusi, clamoribus, querelis, ac mutuis adhortationibus omnia complessent, tandem ab illo auxilij fidem (quæ se recens deuinxerat) implorant, & exposcunt. Ille ut qui omnem spem futuri sceleris, in maleficij præsentis euentu defixisset, non amplius sibi cunctandum ratus, bono ut sint animo hortatur, sequæ libertatis authorem ac vindicem sequantur. Quæ esset illi à Repub. imposita persona non excidisse, saluti illorum nihil prius, nihil antiquius sibi fere, utpote pro qua opes ac vitam (res secundum illos charissimas) alacri mente profusus sit.

Fama istius flagitiosissimæ vocis undiq; omnes sceleratos ac perditos viros conciuuit, adeo ut repenti magni seruorum ac fugitiuorum greges in Kettiana castra confluxerint. Quibus ille scelerum satellitibus, atq; administris stipatus, cum tam Herberfeti

quam Wyndhamia impressa flagitiorum suorum vestigia reliquisset, atque omnibus penè locis quacumq; incederet, vastitatem intulisset, decimo die Iulij ad locum ETONENSI sylvæ vicinum pervenerunt. Huic sylvæ continentes & adiuncti sunt agri compascui civitatis Norwicensis, quos multorum inopum ac pauperum boves depascuntur, illisque publicitus custos præficitur, cui unaquaque hebdomoda singulos obolos dependere consueverunt. Ad hos agros quod illis vina sepes & fossa præterderetur, ne pecorâ palantes uspiam dilaberentur, ex infima plebe Norwicensi quidam, pridie quàm rebelles urbem versus iter fecerunt, præcipui rabie & amentia districti convolaverunt. Publica ea pascua esse (sicut erant) vociferantes, nec se amplius publica passuros fossis circumcingi aut sepibus premuniri. Adeo cæco impetu à mente & ratione aversi ferebantur, ut quæ maiorum provida ac sagax industria in communem utilitatem sepsisset, ea suis manibus ipsi rescindere conarentur. Vix dum in superiori parte agri scrobem demoliti sunt, cum permulti nefarii ac pestilentes viri, quorum auribus rumor auram aliquam istius pernitiosissima conspirationis afflauisset, è civitate clàm dilapsi, cum Kettianis militibus sese coniungunt. Qui id ut facerent, eo citius adducebantur, quod proditores isti nequissimi impurissimo scelere suo salutem semper Reipubl. necnon communis utilitatis curam prætexuissent.

Harum rerum nuntijs in civitatem celeriter perlatis,

tis, Prætor (THOMAS CODDVS is dicebatur)
 re noua trepidus, protinus huic malo prospiciendum
 sibi putauit, elaborandumq; ut huius tumultus (si qua
 ratione fieri posset) primo quoq; tempore comprime-
 rentur. Quam ob rem ex primoribus urbis aliquot,
 ac patribus accitis, (Aldermanni y dicuntur, & sæ-
 per Prætori in concilio adsunt) ad hos motus sedandos
 in Kettiana castra contendit. Ibi illos omnia nefanda
 patrâtes inuenit, atq; in luxum & epulas effusos. Ac
 primam pecunia ac blâdis pollicitationibus illos pel-
 lexit, ut incepto desisterent, & domum quisque suam
 decederet. Illi verò nihilominus sceleri instâtes, quic-
 quid erat vspiciam clausi, aut muniti refringunt. Præ-
 tor cum omnia frustra tentasset, neq; prece, aut præ-
 tio quicquâ profici vidisset, quo mentes proditorum
 à tanti sceleris diritute, ad cogitationem pacis auer-
 terentur, confestim in ciuitatem reuertitur. A curies
 discessu seditioſi rati id quod erat, quodq; ex rumus-
 culis quorundâ hominû qui ad illos ex urbe profuge-
 rant, subodorari cœperût: si diutius distracti ac po-
 pulabundi vagarentur, protinus illorum cõsilijs nullo
 negotio occurrî, & obfisti posse, huic rei prauertentis
 existimantes, tutissimum ad id sibi visum est, ut exe-
 cranda sue societatis assecle vnum in locum contra-
 berentur. Unde extemplo ad syluam Etonensem per-
 rexerunt, quam cum undique oculis perlustras-
 sent, & castris ponendis minus idoneam ac com-
 modam inuenissent, publico consensu decretum est,
 uti illinc primo quoq; tempore MOVSHOLDIAM
 profi-

proficiscerentur, eumq; locum potissimum deligerent, in quo scelerum suorum sedes, ac rapinarum latibula constituerent.

Proinde cum hoc consilium omnibus arrisisset, iamque nox nec opinantibus interuenisset, missi continuo ad Pratorem qui illi renuntiarent: Sibi esse in animo sine ullo maleficio iter per ciuitatem facere, & propterea quod via illa esset multo facilior & expeditior, rogare uti eius voluntate, id sibi facere liceat. Prætor ad hac inimico esse illos & hostili animo in Rēp.: quapropter non daturum se illis per ciuitatem itineris faciendi facultatem. Dein eos ut seditiosos, & omnia perturbare, ac confundere cupientes, aspererrimis verbis perstrinxit, & minantibus vocibus ac ad terrorem undiq; instructis, à tanti sceleris immunitate deterret. Deniq; si furere pergant denuntiatur breui futurum, ut tam perditos conatus, horribiles exitus consequantur. Tantum verò abfuit ut ad hanc orationem illorum furor deferbuerit, ut multo quam venerint obstinatiores, & in proditionis proposito obfirmatiores, à Pratore recesserint. Ceterum Kettiani hac spe conatūq; depulsi, noctem illam totā in Etonensi sylua delituerunt.

Interea Prætor primoribus urbis in concilium conuocatis, quàm primū ad illos de Repub.: refert. Ibi diu multumq; deliberatum fuit, veluti ab his quorū animi in ancipites sententias distraherentur. Nonnulli censent celeritate opus esse, primum ac sine mora profligandos: desperatione ac rabie furentes,

non primo quoque tempore reprimerentur, toti Pro-
uincia exitium ac pestem illaturos. Alij contra senti-
unt rem esse maximi discriminis, deliberationis ve-
rò, ac consilij summi. Hanc resistendi celeritatem, ut
forti ac magno animo profectam, sic lubricam &
precipitem videri, nempe cuius omnis laus in euenta
defixa foret. Eum autem ut semper ancipites, sic
plerumq; miserabiles exitus sortiri. Proin suadere
se, urbem uti muniant, custodias, vigiliasq; intentius
instruant, oppidanos per muros, urbisq; opportuna
loca disponant. De cetero quoniam lege DE VI ET
ARMATIS HOMINIBVS, cautum est, ne qua
copie iniussu Regis contrahantur, nihil tentandum,
sed eius voluntatem auctoritatemq; expectandam
arbitrari. Facile huic sententiae inclinant omnium a-
nimi, ut quae è re nata optima visa sit, & ad quemuis
fortune impetum tutissima, missique extemplo qui
maximis itineribus ad Regiam contenderent, eis da-
ta litera, in quibus omnia diligentissime perscripta
sunt: iussiq; uti festinatione quanta adhiberi posset
maxima, ad Regios Consiliarios perferentur.

Postridie eius diei, (undecimus is erat Iulij) con-
iurati, cum ut per urbem iter illis facere liceret, à
Pratore impetrari non posset, omni spe precisa pro-
tinus (id quod optimum factu videbatur) potem Hei-
lesdonum transire decreuerunt. Quod cum com-
modè fieri non posset per pontis angustiam, qua iter
praebebat per arduum ac difficile, & iumentis ac ve-
hiculis transducendis impeditissimum, magnam vim
lignorum

- lignorum in flumen conijciunt, atq; ita fasciculis & arborum truncis congestis, viros, equosq; atq; impedimenta omnia trans amnem conuexere. Hunc in modum fluvium transgressi, in sequenti nocte DRA-
TONIAE confederunt: proxima die Mousholdiam
versus contendunt, septis ac sepibus undiq; reuulsis.
• Quinetiam, Sacellum CORBETTI cuiusdam di-
ruerant, omnibusq; locis stragem ac ruinam misera-
bilem intulerunt.

In hunc perditissimum sceleratissimorum homi-
num gregem, omnia delentem ac vastantem, & qua-
cunque insisterent precipiti rabie ac furore ruentem,
forte fortuna dum speculandi causa qua venerant
incautiùs progredierentur, inciderunt Rogerus Wod-
hosi, vir ordinis equestris, & Apelyardi fratres:
hos comprehendunt, secumq; inuitos trahunt. Exin
collem D. Leonardi vrbi Norwicensi ex aduersum
cœpere: quo in loco Comes Surreius, præclaram ex-
adificauerat & plenam dignitatis domum: cui infra
flumen publicum præterlabitur (quod medium inter
ciuitatem & collem interfuit) habetq; ex occidente
& meridie syluam ac villulam Thorpensem, ex ori-
ente verò ac septentrione compascua Mousholdica,
quæ amplius millia passuum sex in longitudinem ac
latitudinem procienduntur. Hic illi furorum cubilia,
ac (quasi castra) locarunt: & in syluosis illis latibulis
• canum instar delitescentes, omnia iura diuina & hu-
mana polluerunt. Quinetiam domus illam magnifi-
centissimam homines impurissimi inuaserunt, atque
omnibus

omnibus in locis scelerum suorum impressa vestigia reliquerunt.

Iam verò quicquid uspiam est infima & abiecta plebis confluit : omnisq; fex & sentina populi Norfolciensis in hac se castra refudit. Præterea magna multitudo Suffolciensium, & hominum etiam in alijs locis, atque regionibus degentium, campanarum tintitu, & incendio specularum excita, congregatur. Addunt etiam sceleri scelus : Nam immanem hanc tantam nequitiam, & inauditam omnia delendi libidinē, specie ficta ac simulata sanctitatis adūbrant. Sacerdotem adhibent : hunc rebus diuinis, ac votis quotidie manē ac vespere suscipiendis præficiunt. Insuper viros optimos, & quā religionis ac doctrinæ, quā virtutis ac innocentie laudibus insignes, ad horum scelerum societatem adiungere conantur. Inter quos fuerunt Robertus Watsonus concionator, Thomas Coddus Prætor ciuitatis, & Thomas Alderichius de Aula Mangrenensi, vir quoad vixit omnibus charus atque iucundus. Hos tres quod se tam nefaria pactione, & perfidia fœdere deuincire recusassent, inuitissimos coegerunt omnibus interesse concilijs, & unā cum Ketto seditionis architecto, cunctarum rerum administrationem suscipere. Quod quidem accidit percommode, nam si quando contigisset, (contigit autem sepius) Kettum, aut ex conspirationis principibus aliquem (ut erant proni nimis ac præcipites ad omne flagitium) consilio furibunda ac vesana multitudinis incita-

incitatum, aliquid sceleris ac nequitia machinari, quod tandem aut urbem, aut agros, & regionem urbi vicinam afflisset, horum perprudens & solers industria, istiusmodi pestiferos conatus sæpenumerò repressit.

Quanquam Kettus ardens scelere, & agrestibus suorum instinctus furijs, solebat interdum mandatorum velut ex auctoritate præscriptorum formulas emitte: quæ KETTIANA DIPLOMATA dicebantur: ad quæ nonnunquam intemperantissimus helluo, honestissimorum virorum nominibus abutebatur. Horum diplomatum exemplum subiunximus.

Nos Regis amici ac Delegati: pecoris & cuiusvis generis commeatus conquirendi, necnon in castra Mousholdica deferendi potestatem, omnibus concedimus, quocunque in locoprehenderint, dummodo ne quæ vis aut iniuria honesto ac pauperi cuiquam inferatur. Cunctis ex imperio denuntiantes, prout honori ac Maiestati Regiæ, Reiquæ publicæ afflictæ, prouisum & consultum volunt, nobis Delegatis, & his quorum nomina subsequuntur dicto audientes esse,

ROBERTVS KETTVS.

Et tam ordine longo alij consequebantur: namq; Delegatorum numerus erat ingens, quippe qui præter illos huius nefandæ societatis principes ex omnibus

bus centurijs duos sibi viros asciuiſſent. Erant autem centuria viginti ſex . Atque his & huiusmodi diplomatibus permulti nobiles, & optimi viri, quos vulgi furor ac rabies reos feciſſet comprehendebantur: multi ac ſi fontes eſſent Mouſholdiam perducti, atque illic in cuſtodiam ac carcerem concluſi. Præterea valli ac ſepimenta quibus agri publici circūſcripti ac muniti erant, talium diplomatum auctoritate reuellebantur, multiſq; è locis multi citabantur, ut horum tumultuum ſocij ac participes exiſterent, Atq; hac omnia fiebant his tribus, Prætorè, Watſono, & Alderichio, non tacentibus ſolum & conuiuentibus, verumetiam ad ſpeciem interdum conſentientibus, Tempeſtati identidem obſequi coactis, qui patria tum fluitanti in alto, procellis ſeditionum atq; diſcordiarum ſubuenirent. Ne ſi nequicquam obſiſtendo, aduerſum infeſtumq; vulgus conciuſſent: & ipſimet ſibi præſens exitum, & patria lamentabilem conflaſſent interiũ. Quæ proculdubio ſi tum palam reclamaſſent, (tanta fuit rabies adeoq; effraenis) rapinis, incendijs, atq; omnibus publicis exitijs percuſa concidiſſet.

Interea ciuitas Noruicenſis de hoc rerum ſtatu ſollicita, & tantis de tumultibus anxia & ſuſpenſa, incerta ſpe, & diuturna expectatione pēdebat. Neq; adhuc à regia Maieſtate quicquam allatum fuit, nec quid illius Conſiliarij fieri decreuiſſent intelletum: & ciues horum iniuſſu nihil audendum rati, imperium Regis exſpectantes in vrbe manebant.

Accidit autem eadem tempestate, ut multis in locis multi obscuri & ignobiles viri in armis essent, tanquam communi sceleris consensione deuincti, ad Rempub. dilacerandam conspirassent. Et enim quamuis agrestium furor multo magis ac atrocius in provincia Norfolciensi, quam alibi uspiam exarserat, tamen & eadem fatalis cuncta perturbandi lues per omnes penè regni partes diffusa, non Norfolcienses duntaxat, verumetiam Buckinghamienses, Oxonienses, Surreienses, Estsaxones, Cantianos, Cantabrigienses, multosq; insuper mortales iisdem tumultibus implicuit. Vnde adeò factum est, ut cum omnis consiliarium cura & cogitatio in his tantis seditionum flammis extinguendis consumeretur, (ne si incendio protinus non subuenissent, tota Respub. deflagrasset,) tardius aliquantulum quam cupiebant ad hos Norfolcienses motus reprimendos accesserint.

Gliscit interim seditio, nec remittit aliquid, sed indies ingrauescit, ita ut sexdecim penè millia sordidissimorum hominum in Kettiana castra conuenerint. Atque hi quidem Ketto duce omni se praesidio munire coeperunt. Multisq; è locis bellicos apparatus ac instrumenta in castra conuexerint. Insuper magnam vim pulueris bombardici & tormentorum cuiusvis generis numerum ingentem. Ad quæ diripienda huc & illuc passim discurrentes, multorum nobilium domos peruagati, easq; depeculantes, quicquid pecoris in agris, aut pecunia in adibus, aut frumenti in horreis reperire possent, impiè nefarieq; auferentes

ferentes (inspectantibus etiam dominis) in castra deportarunt.

Atqui quamplurimi, cum hunc in modum cuncta vastassent, compilassent, exinanissent, ac miserabilem ubicunque vestigia posuissent, rerum omnium stragē adidissent, maxima praeda parte auersa & claculum in speluncas retrusa, furtim quisque sibi, quantum rapinarum in latibulis coaservari potuit, congegesserunt. Re comperta, & ad Kettum & ceteros GUBERNATORES, (sic enim dici volebant) delata, huic incommodo primo quoque tempore menderi cupientes, communi consensu decretum, locum aliquem diligendum, in quo Iudicia exercerentur. Quercus erat annosa, & patulis ramis diffusa hanc tignis atq; trabibus transversim iniectis cortabulauerunt: ibiq; plerunq; circumfusa plebe consistentes, de querelis & litibus (si qua forte cuiquam intenderentur) prout visum est, statuunt atq; decernunt: & nonnullorum interdum solutam nimis ac efferuescentem omnia rapiendi cupiditatem arctioribus vinculis constringunt. Hanc QUERCVM REFORMATORIAM nuncuparunt, in quam initio aditus nulli dabatur praterquam Ketto, & Gubernatoribus. Ex quibus nonnulli, & inter hos Prator civitatis ut qui maximè, & Alderichius, & alij quos antea diximus inuitissimos talem in numerū ascriptos, omnibus modis quantum in se fuit vehementer contendunt, ut plebeculam infimam & ieiunam ab hac tā importuna praeda licētia coaceret. Quē in finē idē-

iidem. Quercu conscensa, orationis gravitate perpen-
 lerunt, ut aliquem interdum, si nō exitum, ac saltem
 modum, tantis rapinis, ac tam effusa in omni intem-
 perantia violentia constituerent. Fuerunt item &
 alij gravissimi viri, & Theologi præstantissimi, qui
 omni opera, studio, ac diligentia connixi sunt, plebem
 tumultuantem, & legum tam vinculis laxatam) in
 omne se scelus ingurgitantem, à rapinis & incendijs
 quibus omnia miscuerant, ad pacis cogitationem tra-
 ducere. Atq; hy quidem de die in templis concionan-
 do, de nocte verò armati intrà civitatem excubando,
 nil prætermiserunt, quod esset aut cum officio sanctis-
 simorum Theologorum, aut constantissimorum sub-
 ditorum fide coniunctum. Insignis tum inter ceteros
 doctoris MATTHAEI PARKERI prudentia,
 fides, & integritas fuit. Vir venerabilis, ac omni
 semper virtutis decore circumfluens. Ac tum qui-
 dem professor sacrae Theologiae fuit, hodiè verò (tem-
 pore illustrissimæ Reginae Elisabethæ) Cantuariensis
 sedis Archiepiscopus amplissimus. Huic cum esset in
 animo boni pastoris officio ac munere defungi, vide-
 ret q; omnia furorum ac flagitiorum flāmis circum-
 fusa, fecit id quod & prudentem decuit, & constan-
 tem oportuit. Nam & in sceleribus redarguendis
 fortem se præbuit & magnanimum, & in periculis
 cautè deuitandis, sagacem & industrium. Vnde &
 Deo & Regi præstitit quam debuit fidem: & sibi-
 metipsi diligenter consulendo, adhibuit eam, quæ à
 sapiente imprimis requiritur prudentiam.

Euenit

Euenit autē ut cū die quodam, unā cum amicis quibusdam, in Kettiana castra contenderet, Kettum & alios eius societatis affines, in Quercu stantes, & inter se de rebus varijs differentes inuenerit. Quo quidem tempore Pratoris Coddī egregia virtus enituit, audiebaturq; vox illius magnifica planē & viro forti dignissima.

Nam cum Kettus scelerum signifer illi cupidius instaret, ut traditis clauibus, omniq; potestate sibi permissa, sibi metipsum Pratura abdicaret: enimuerō CODDVS ferociter respondisse dicitur: Animam sese potius daturum & ipsam ē corpore vitam, quā aut per scelus ciuitatem perfidiosissime desereret, aut fidem ergā Regem per metum & ignauiam flagitiosissime abiceret.

His ultrō citroq; iactatis, inclinato iam in vespere die, Matthaeus vidēs miseram plebeculam undiq; potu luxuq; demersam, ad temulentos & ebrios, quā cibo potuq; onustos, quā cœli solisq; ardore confectos, parū profecturam orationem sanā ac sobriam existimans, eo die nihil sibi dicendum putauit. Quamobrem cuncta furorum ac tumultuum plena relinquēs, in ciuitatem regressus, postridiē manē (dies is erat Veneris) cū fratre Thoma Parkero (qui postea Noruici Prator fuit) in Kettiana castra reuertitur. Exin (mirabile dictu) omnes sub quercu orationi ac precibus intentos inuenit, mediumq; inter illos Letaniam dicentem Thomam quendam templi D. Martini Vicarium. Matthaeus oblatam iam sibi

P. iij. dicendi

dicendi facultatem conspiciat us, **Q**VERCVM cō-
 scendit, ibiq³ concionem habuit, prudentie, gravia-
 tis ac modestie plenissimam. Erat autem omnis illa
 oratio in tres potissimum distributa partes, quarum
PRI^{MA} sapienter eos admonuit ne ijs quæ sui su-
 stentandi causa in castra comportassent, dissipatis
 atq³ consumptis, mundi fructus ac munera diuinitus
 concessa, per luxum ac nequitiam impurissime pro-
 funderent. **T**VM ne priuatas & occultas inimicitias
 persequentes, iracundia aut ulciscendi libidine in-
 temperantius elati, manus cruore civili respergerēt :
 neue illos quos instar hostium haberent, custodia au-
 vinculis coercerent : vitamue cuiuspiam nefarie aut
 crudeliter adimerent. **E**X^TREMVM fuit, uti cō-
 muni utilitati consulētes, incepto desisterent, nec fe-
 cialibus aut internūtijs regis fidem detraberent, sedi-
 debitum Regia Maiestati honorem, etiam in tenera
 & imbecilla etate deferrent, quo ipsi postea florescē-
 tibus annis firmata iam virtutis stirpe, & altis tan-
 quam radicibus defixa, incredibili cum voluptate,
 tum letitia persuerentur.

Hoc in loco cum omnes dicendi nervos contendis-
 set, cunctique concionanti benigne attenteq³ audien-
 tes circumfunderentur, clamore cuiusdam scelerat-
 issimi ac infimi hominis obstrepi coeptum est. Quos-
 que (inquit) hunc mercenarium doctorem perfe-
 remus ? qui à Nobilibus prætio conductus huc ac-
 cessit, vocem adferens venalem, & linguam mer-
 cede constrictam. At nos illorum intolleranda po-
 tentia

sentia frenos iniiciemus, illosq; terginerantes & in-
uitos, legum nostrarum laqueis implicatos tenebi-
mus.

Tum verò fremere plebs, ac aperte indignari
cepit: multiq; dicto huius furibundi ac vesani homi-
nis incitati, asperimis eum verbis & minantibus
insectantur. Auditaq; voces nonnullorum horribiles
& infeste, quæ etiam aures ipsius Matthæi percu-
lerant. Ac ex ijs quidam ferociter inclamarunt:
Optimum esse quoniam tam belle locutus esset tamq;
lepidis & verbis & sententijs orationem suam con-
spersisset, telis sagittisq; confixus, descendere cogere-
tur. Enimverò tum viro optimo paucior iniectus, &
ad hunc paucorem, insuper alterius mali suspecti &
occuli terror adiunctus. Senferat enim sub pedibus
hastarum cuspides ac spicula, magnosq; in timore
fuit, ne ab irata multitudine transfigeretur. Postea
tamen nullam ab his tanti timoris causam extitisse
intellectum, quippe penè omnes qui sub arbore consti-
terunt, Matthæum summo in honore habebant,
eumq; omni amore, & benevolentia cõplexi, aduentu
illius mirificè letabantur. Sperabant enim fore, ut
illius oratione impulsæ ac mansuefacta plebs, aut lâ-
gaidior ad scelus & nequitiam facta penitus respici-
ceret, aut saltem aliquid de tanti furoris atrocitate
remitteret: atq; ita illi (qui omnes aderant inuitis-
simi) maiorem libertatem nanciscerentur. Vicin-
q; fuit, ingens tum eum horror perstrinxit, magnosq; in

P, iij:

pericula

periculo constitutus videbatur, cum ecce tibi de
repente Thomas ille (quo de ante diximus) templi
D. Martini Vicarius, ascitis tribus aut quatuor
Aeditimis, Te Deum Anglico sermone musa so-
lenni, & modorum intervallis, ad aurium volupta-
tem eleganter distinctis, concinere coepit. Cuius illi
cantus suauitate perfusi, (Musica enim insolentes
erant) crudeles & effera mentes insueta delectatio-
ne delinitae, paulatim deferbuerunt.

Mattheus hanc oportunitatem nactus, non ex-
spectandum sibi putavit, dum aut hi canere desis-
sent, aut illi furere de integro coepissent, atq; ideo de
Quercu descendens, cum fratre qua dabatur exitus
castris excessit. Euntibus illis per collem D. Leo-
nardi ad portas Pockthorpenses, denuò inferant se
& alij eius societatis assecla, tumultuosissimis cum
clamoribus insectantes. Qui quidem multis de re-
bus secum expositulantes contenderunt, maximè ve-
rò de magno Sigillo quo concionandi potestas fuit illi
permessa.

Videns itaque Mattheus omnes contactos hoc
scelere, velut insectarabie ruentes, tantorum tumul-
tum pertesus, ac patria malis ingemiscens, clam
qua potuit elapsus fratrem Thomam Parkerum
post se relinquit, qui cum illis de rebus omnibus disce-
ptaret atq; ita sese illorum furori subtraxit. Postri-
die eius diei eadem D. Clementis ingressus e lectionu
altera (que tum publice in templo legebantur) de-
nuò causam arripuit, ad dicendum aliquid de hijs
per-

pernitiosissimis tumultibus, multis cōiuratorum circumuolitantibus. Ac tum quidem nihil dixerunt, sed exitum illius de templo expectantes indignabundi circumstant. Egressum protinus insecuti, intelligere se autē illum tres vel quatuor cantherios habere expeditos & habiles, qui Regi deserviant, monent ut statim à prandio præstò sint, se illis confestim vsuros. Matthæus aut nihil, aut pauca sane respondit, sed Hyppatro celeriter accito, iussit ut alijs detractis soleis, ungule ad vinum resecarentur, alios verò calcantho viridi super infuso obliniri, medicamentis delibutos, ac si nimio labore & cursu fatigati conficerentur. Seditiosi ita rem habere suspicati, ac post eā illos dum veluti pastum ducerentur, hos pedibus fasciis deninctos, illos calcantho perfusos cernentes, conquieuerunt. Matthæus non ita multò post veluti deambulandi causa portis egressus, ad duo millia passuum à ciuitate, præstò sibi ad pontem Crynkelfordensem equos inuenit. Quibus consensis, Cantabrigiam versus contendit. In itinere verò quæ viderit, quæque audierit, quasque tumultuantium (quibus in via occursum est) furias ac scelera conspexerit, singula persequi laboris esset propemodum infiniti. Verum tamen Dei benignitate omni hoc molu & populari concitatione defunctus, tanti tandem periculi securus, Cantabrigiam incolumis peruenit.

Huius igitur amplissimi viri veluti diuinitus demissa vox & oratio, ad hunc modum ab hominibus despicatissimis, & ab omni non solum salute, verum eti-

am spe derelictis, nequiter neglecta, & cōtempnita fuit. Quam etsi tum furore & amentia caci & precipites, velut exitialem, ac tantis ac tam perditis vitæ rationibus inimicam & infestam aspernati sint & respuerint: postea tamen proculdubio ex calamitosissimis casibus qui consecuti sunt, diuinæ vindictæ horror omnium mentes perfudit. Nam cū (ut antea diximus) huius cœlestis orationis caput extitisset, ut tanto improbitatis velut incendio in animis restincto, protinus respicerent, ne longius progressa proditiōis impietas, patriæ propediem funesta foret & horribilis, & sibimetipsis ad extremum lugubris & exitiosa: enumerò omnia quæ à voce illa persapientis & verè diuina, veluti fata populi Norfolciensis concinebantur, euenerunt: & ipsi à scelere ad scelus delapsi, iustas tandem ac debitas tanto furori pœnas persoluerunt.

Interea verò seditiosi (quos antea diximus nobilium bonis ac fortunis inbiantes, omnia furtorum ac rapinarum scelere refudisse) ex saturati iam spolijs à prædandi libidine ad vim crudelitatemq; cōuersi, per omnem regionem Norfolciensem terrorem & periculum cunctis qui non ab illis stetissent denuntiantes incedunt. Iamq; nobilibus undique quaquà versùs flagitij se furor inclinasset comprehensis, ac in castra perductis, tantus omnibus horror illatus est, ut cūcū domibus ac patrijs sedibus relictis, vestitu mutato, ne fortè in itinere ac fuga conspecti cognoscerentur in loca deuia demigrarint: & omnia ab illis extre-

ma metuentes, in speluncarum latibula, ac sylvas densissimas sese abstruserint. Multi etiam coacti sunt carris equisq; si haberent, suis uti, si non haberent aliunde conquirere. Hisq; imperatum, ut laborem & sumptum de suo impendentes, frumentum comneatumque in castra Mousholdica deueherent. Quibus quidem (nisi protinus paruissent) ab agris & adibus vastitas, à liberis & uxoribus vis denuntiata est. Præterea quoscunque nobiles ac generosos comprehenderant (comprehenderant autem quamplurimos) eos artissimis vinculis astringunt, ac si semetipsis in omni scelere nequiores extitisset. Multiq; Noruicum in custodiam traditi, atq; ex his nonnulli in Prætorium (vulgo Aulam Gildensē appellat) alij in carcerem publicum, quidam in ades Comitum Sarrai, instar furum conclusi. Huc accedit quod si quando rei pecuniaria inopia premerentur, (premebatur autē sapissime) ex publico ærario semper huic difficultati subueniendi necessitas, Prætori crudeliter imposita fuit. Quorum importunissimis efflagitationibus situm Prætor restitisset, enimvero ærario exhausto & incenso, omnium fortunis miseranda lues, & perniciēs accessisset. Et quidem sæpenumero eius compilandi nefaria ab istis consilia inita sunt, remque sine dubio transgissent, si non Prætoris sedulitate ac diligentia, semper hac de spe conatuque depulsi fuissent. Nihilominus tormenta multa & apparatus bellici quicquid comparari potuit, (metuentes

(metuentes videlicet ne quando quid aduersi contingeret) è ciuitate in castra transtulerunt. Cunctisque ciuibus indictū vt primo quoq; tempore præstò sint, qui se (si opus sit) tueantur atq; defendant. Regios se amicos vociferantes, & iniurijs diuexatos, legum ac Maiestatis Regia tutelam defensionemq; suscepisse. Nec hoc contenti, Regis etiam nomine ad scelus & nequitiam abusi sunt. Diplomata quadam erant Regia, in quibus quorundam Nobilium nomina prescribebantur, hisq; potestas delata fuit à Rege, inssique labenti Reipub. prospicere, videreq; vti hi motus primo quoquo tempore compefcerentur. Hec nacti, nobilium nominibus deletis atq; inductis, sua nomina inscribi fecerunt, Regisque Sigillis auulsis & ad sua commentitia diplomata affixis, isq; in publico propositis, plebem imperitam, tantaque fraudis insciam deceperunt.

Iamq; eosceleris ac dementia deuenerunt vt nec à Gubernatoribus, nec à Ketto quidem ipso, seditionis Architecto & principe tanti tumultus furor ac impetus retardari potuerit. Prater ea non solum ij qui tantorum scelerum societatem cum illis coire recusassent, hostes indicati, sed & multi boni ciues qui cum liberis & vxoribus conseruandi sui causa, ex urbe profugissent hostium loco habiti. Qui quidem tanti periculi terrore tectis expulsi, cum nullo loco diutius consistere auderent, per multitudinis efferata vim ac rabiem dispersi, dissipatique huc & illuc vagabantur. Multisq; lamentationibus & lachrymis illorum

temperum

temporum iniquitatem deflentes conditionem patrie
miserrimam deplorauerant. Vrbi etiam incendium
atque deflagrationem minitabantur, adeò ut ij qui in
ciuitate remanserant, nihil aliud nisi rerum omnium
labem atque ruinam exspectauerint. Castrorum
verò horribilis ac miseranda facies. Nam cum in illa
magna multitudo vndique ex Anglia perditorum
hominum latronumq; conuenisset, quos spes prædandi,
oti quæ cupido ab agricultura quotidianoque labore
auocauisset, tanta fuerunt flagitiorum monstra quæ
conceperunt, tantaque in omni genere nequitie ac
libidines, ut eas quodammodo horreat ac reformidet
oratio.

Illud certè constat, sicut omnium agris ac adibus
vndiq; vastitatem & solitudinem infandam intulerunt,
sic quacumq; in castra deuecta sunt, lustris &
belluationibus nequissimis celeriter consumpserunt.
Adeò ut incredibile penè videatur, ac portenti simile,
quonam modo illa, tam multa, tam exiguo temporis
spatio deuorauerint. Nam præter cygnorum, anse-
rum, gallinarum, anatum, & volucrum cuiusuis ge-
neris numerum infinitum, ad tria millia bouum & o-
uum viginti diebus paucis in castris luxuriosissime
absunta sunt.

Insuper viuariorum vallis ac sepimentis (in qui-
bus bestiola, delectationis causa concluduntur) per-
ruptis atque refractis: quicquid vsquam damarum
conspici aut comprehendi potuit, crudelissime confe-
cerunt. Nihil erat clausum libidini, non ratio futuri
temporis

temporis adhibita, non ijs qua postea acciderunt malis prouisum, nulli sceleribus ac nequitia termini defixi, sed miserandum in modum dissipata omnia & exhausta fuere. Tantaque ouium passim cades, reliqui que pecoris trucidationes facta dicuntur, ut veruex drachma publice uanierit, capitibus atque extis, uelut escis contemtissimis fastiditis atque reiectis, propterea quod nullus inuentus fuit qui illis in tanta delicatioris cibi copia uesceretur. Quid hic nemorum vastationes, ac sylvarum strages commemorem? quibus radicibus penè exstirpatis atque defectis, omnem eam materiam que erat caesa, aut incendunt, aut (quod multo foedius fuit) in scelerum suorum sedibus ac latibulis extruendis insumunt. Additur ad hanc tam atrocem licentiam (talium plerumque factorum semper comes) crudelitas. Hominibus honestissimis ac integerrimis, à foedissimis belluis, omnique diritate teterrimis, catena iniecta sunt, multisque manicae compedesque impaetae, quibus bini pariter reuincti, acerbissimum illum quasi carceris cruciatum ac carnificinam diutissime pertulerunt.

Custodes etiam ad omnes portas & urbis introitus dispositi, ne qui forte elaberentur, iussuque vicorum submagistri uti viderent ne quis urbe excederet. Magnique agrestium ac rusticanorum hominum greges coacti, quibus praestitutum ut certis in locis vigilias & excubias agerent: ijs à vicorum submagistris (vulgo Constabularij dicuntur) omnia ad libidinem

dinem & luxum suppeditabantur, adeò ut tantis, ac tam profusis sumptibus multi honesti viri re familiari valdè comminuti, funditùs conciderint. Odium autem quod inclusum in animo, in omnes conceperunt, id crudelissimè in eos quos comprehenderant expromserunt.

WHARTONVS erat quidam (magno vir præditus animo, sed minimè populari:) hunc, dum in Civitatem ad carcerem & vincula duceretur, ingens seditiosorum caterua circumsepsit atq; munivit, destinata videlicet quæ ei præsidio foret, ne fortè in itinere à vesana multitudine violaretur. Sed nec Whartonum sua probitas & fides, nec seditiosorum diligens custodia satis tutata est, parumquæ absuit quin interficeretur, multiquæ mortem illi & interitum intentarunt, corpusquæ illius plurimis in locis hastilibus & spiculorum cuspidibus perstrinxerunt.

Accidit autem ut eodem penè tempore quo hæc fiebant, contēdentibus illis ad urbem, MOULTONVM QVE quendam instar captivi trahētibz (cuius odio deflagrānt inmani, quòd esset vaferrimo semper, venaliquè vir ingenio (erat enim leguleius) necnon sicuti opinio fuit diris votis, ac horrendis superstitionum portentis inferorum manes elicere consueffet) dum itaque (viti supra dictum est) Moultonum hunc muliercula cuiusdam indicio, in sylvis paulò antè repertam, atque ex vepribus & dumetis, in quæ se melioris inops consilij recens abstruserat

extra-

extractum, omnibusque oneratum probris & contumelijs secum pertrahunt, cœlum non sine ingenti audientium stupore, horribili tonitru contremuit, maximæq; imbres grandine permisti defluxerunt, terræq; repēs labes facta est, utpote quæ non longè à Quercu (quam Reformatoriam appellarunt) in immensam altitudinem desedit. Cæterum tantum abfuit, ut ad hæc veluti diuina prodigia expauescerent, ut iam perinde ac si cœlesti voce incitarentur, ardentiores ad omne nefas, & multò quàm antea fuerant inflammatiores existerint.

Neq; porro minori tempestate conflictata sunt nobilium mentes, quos agrestes sanctia insigni, atq; feritate detestabili furentes, catenis iniquissime constrinxerant: qui omnes aut mortem quotidie pertimescebant, (qua quidem nonnulli affecti dicuntur indignissime) aut ipsa morte diriora tormēta, & quæcunq; ab impurissimis latronibus cogitari potuerunt teterrima. Etenim nonnulli ac si quid nefandi sceleris admisissent, in furiosissimorum hominum cœtum, tanquam ad iudicium vocati, ac pro Quercu constituti, veluti è vinculis causam dicere cgebantur. Cumq; ab imperita & agresti multitudine quaesitum fuisset, quid de illis fieri decreuissent uno veluti ore ab omnibus conclamatum est *SUSPENDANTVR, SUSPENDANTVR*. Denuò sciscitantibus illis, cur hæc tam truci voce vterentur in ignotos præsertim, & nullius noxa aut criminis conscios ferociter responsum est: usurpari illam vocem ab alijs, & idèò
 se

vicissim eadem usuros. Neq; præterea quod dicerent habebant : quanquam alij huic huius crudelissimi clamoris rationem adfercbant : Nobiles eos esse, & idè de medio tollendos, scire enim se, quod si quando illi victoria potirentur, omnes sibi sint cruciatus, acerbitateq; perferenda. Proin præstare ut his quos iam in potestate haberent, vita priuatis, ipsi demum otio ac securitate perfruantur, quam illis usuram vel unius horule ad viuendum largiri, à quibus postmodum veluti pecora trucidarentur. Adeò inuisum tam nobilium nomen erat & exosum, ut furore pene plusquam hostili flagrantibus infimæ sortis homines nō nobiles tantum, sed ipsam etiam (si fieri posset) nobilitatis stirpem delere funditus & exscindere concupierint.

Hunc igitur in modum cūm omnis propè Regio Norfolciensis huius funestissimi tumultus tempestate perculsa & afflicta fuisset, ac iam viginti ferè à primo dies elapsi interfluxissent, nihilq; interim ubique fieret, nisi vastationes, incendia, rapina, omniaq; non modò miseranda visu, verumetiam auditu horrenda : tantus omnibus bonis, ac præcipuè ciuitati Noruicensi dolor inuictus est, ut ad hunc patriæ tam lugubrem aspectum assiduo penè mœrore ac lachrymis contabuerit. Resistere autem huic tantæ improbitati, per illam quæ iam undique in castra conuenerat perditorum hominum multitudinem nequibant, & (quod caput erat) arma sumere iniussu Regis, lege, ut ante diximus, prohibebantur. Ac cuius

consiliarijs quoniam nihil adhuc perlatum fuit, urbi
perniciem & deflagrationem quotidie metuentes, ab-
scissa propemodum omni salutis spe, omnisq; consilij
inopes, intra muros permanserunt.

Erat autem tum fortè Londini Leonardus quidam
Sothertonus, (cuius Norfolciensis,) qui illinc velut
è flamma & communi incendio vitæ conservanda
causa profugit. Hunc Regij consiliarij ad se accer-
sunt, & de illo omnia seditiosorum consilia sciscitan-
tur & exquirunt. Sothertonus quæ sciret, enunciat:
“ ingentem nefariorum colluviem confluisse, ab his
“ omnibus locis calamitatē ac pestem inferri, numerū
“ indies augeri: nihil sceleris fingi aut cogitari posse,
“ quod non conceperint: homines optimos comprehen-
“ sos, ac in vincula ductos: domos direptas: agros
“ vastatos: sylvas incensas & prostratas: pecus omne
“ trucidatum: præ rabie ac furore nihil vspiciam inta-
“ ctum inuiolatūmve relictum: sed populari petulantia
“ cuncta confundi: urbi etiam nisi celeriter consultum
“ & promissum sit interitum & ruinam impēdere. Spe-
“ rare se tamen, atque etiam inaudisse, permultos esse
“ in illis castris ac scelerum speluncis, qui proposita
“ sibi apud Regem veniæ ac impunitatis spe, arma
“ abiecturi sint, & Maiestatis Regia clementiam
“ amplexuri.

“ Obsecrare ergo, & vehementer ac demissimè:
“ contendere, ut publico edicto Rex fidem astringat:
“ regiam, fore omnibus impunè, qui ab illis castris
disces-

discefferint, posse ita faciliè hos cœtus dissipari. Cō-
 probato consilio, ex Regis authoritate & sententia
 statuunt atq; decernunt.

Maieſtati Regiæ placere, ægrotæ atque afflicta
 Reipublicæ, primo quoque tempore medicinam adhi-
 bere, quò à periculossimis illis motibus, & sediti-
 onum malis, quibus eam perfidia pestis inuoluisset
 expiata conualeſceret. Veruntamen omnia experiri
 velle, priusquàm id quod in illa contactum esset at-
 que pestiferum (ne reliquo corpori noceret) amputa-
 retur. Proin decreuisse: pœnas iamdiu improbitati,
 nequitia, sceleri, ac libidini debitas tantisper differ-
 ri: spem salutis cunctis (si incepto abſisterent) de-
 nuntiari: fidem Regiam interponi: omnem seueri-
 tatis metum præcidi: dummodò possint clementia &
 mansuetudine ad pacem sanitatemque perducì. His
 igitur hunc in modum deliberatis atque statutis, hoc
 solummodò restabat, ut hæc Maieſtatis Regiæ mi-
 sericors clementia plebi è vestigio proponeretur. Fe-
 cialis ad id missus, (qui eodem Leonardo Sothertono
 comite ad celeritatem adhibito) magnis itineribus
 Noruicum contendit. Illinc in castra continuò pro-
 gressi, caduceator propter Quercum stans fecialibus
 indutus insignibus, clara voce ita ut omnes, qui un-
 dique circumfundeabantur, loquentem exaudierint.
 Audite (inquit) audi tu scelerum signifer Kette, &
 vos omnes quotquot adestis, audite.

Et si mos maiorum, & huius imperij dignitas, &

Rij.

nomi-

« nominis Regij Maiestas postulare videantur, ut vos
 « qui nefaria in patriam arma sumistis, & in apertam
 « coniurationē ac latrocinium vosmetipsos coniecistis
 « hostium instar ferro igniq; profligati, debitas sce-
 « lerum quæ concepistis pœnas sustineatis: tamen
 « Maiestatis Regiæ tanta mansuetudo est atque
 « clementia, ut quos ad pœnam & supplicium sceleris
 « atrocitas deposcat, eos tamen pro singulari & incre-
 « dibili benignitate conservatos velit & incolumes.
 « Proin iubet ut protinus omnes arma depenatis, ca-
 « strâ hęc & furorum cubilia relinquatis, domum
 « decedatis, errori si id feceritis veniam largiri, ac
 « omnium quæ suscepistis flagitiorum impunitatem.
 « Sin autem in sententia, & perfidia proposito perman-
 « seritis, se cuncta maleficia & scelera quæ patraistis,
 « acerrimè, (ut par est) ac omni supplicio vindicaturū:
 « nec passurum hęc quæ ressecanda sunt & sanari non
 « poterunt, longius ad perniciem totius Regni dima-
 « gnare.

Hoc cū magna (ut antè dictum est) voce
 promulgasset: ab omni penè multitudine conclamatū
 est, REGIAM MAIESTATEM DEVS
 TVEATUR INCOLVMEM. Is clamor cū
 identidem rediret egraretur, multi in genua prouo-
 luti, hanc tantam & tam inauditam clementiam ac
 misericordiam laudibus ac lachrymis prosecuti sunt.
 Quam quidem omnes tuxi proculdubio complexi
 fuissent, (utpotè quorum animi pudore ac metu sen-
 sum infringi, ac remollescere coeperunt) si non sce-
 lestissima

lestissima nonnullorum voces, Kettiq; adhortationes perfidiosissima, eos à pacis cogitatione auersos, denuò ad sceleris consensionem retraxissent. Ille asperò sanè & ferociter respondit.

Consuesse Reges flagitiosis hominibus non innocen-
tibus & integris veniam dilargiri. Nihil se meri-
tum, nec ullius sibi culpa conscium, proin eam ut in-
anem ac suis rationibus inutilem aspernari. Exin
conuersus ad suos, rogat ne se deserant, nenè animo
concidant, sed meminerint quo se fœdere obstrinxe-
rint: paratum se qui vitam (si opus sit) pro eorum
salute profunderet.

Hæc ubi rabide iracundeq; dixisset: Fecialis homini turpissimo, & tot perfidiæ notis insigni, immi-
nuta Maiestatis crimen infligit, eumq; proditorem
tærrimum, & summi sceleris reum pronunciat.
Iussitq; deinde Ioannem Petibonium Pratoris ensife-
rum, latroni profligatissimo actionem perduellionis
intendere. Enimuerò tum tumultuari cœptum est,
utrisq; hinc atq; illinc, non minùs pertinaci quam
pernicioso certamine contendentibus. Fecialis videns
iterum labare plebis animos, (quos antea pacis de-
nunciatione nonnihil emolliuerat) & Ketti verbis
velut furiarum stimulis instinctos, à salute quam
priùs amplexuri videbantur, denuò ad scelus nequi-
tiamq; deuolui, castris excessit. Multiq; eum mor-
tales consecuti sunt, qui abiectis prioribus consilijs
armisq; depositis, Regis se fidei permiserunt. Hic om-
nes unà cū Pratore & Thoma Alderichio in ciuita-

tem ingressi.

Prætor cōtinuò portas obstrui iubet, præcipuè verò eam quæ Episcopalis seu Pontificia nūcupatur, quòd illac è vestigio (nisi celeriter huic consilio obuiatum foret) seducti in oppidum irrupturi viderentur. Ad hæc omnes generosi quos antea diximus à Kettianis in carcerē coniectos, leuati vinculis & è custodia emissi fuere, adhibitiq; in consilium, quæsiuq; ab illis quipotissimū hostiū impetus retardari possent: rationesq; inite urbis defendende, ne perditorū introitu ac militari licentia omnia diriperentur. Placuit ad extremum ciuitatem quaquā versus muniri, portas murosq; asseruari, custodias vigiliāsq; disponi, itinera intercludi, quò cōmeatus suppetiendi facultate undiq; incisa atq; præcepta, coniuratorum animi cibariorum inopia, & bellandi tadio perculsi languescerent.

His de rebus, dum remotis arbitris multa inter se (ut fit) deliberabundi ac consultantes egissent, trepidi à portis nuntij superueniunt, rem atrocem incidisse prædicantes. Multos esse ciuium qui se horum scelerum communione constrinxissent: ex his nonnullos, è Kettianis militibus quamplurimos, in urbem intromisisse. Cū hoc tantum repentini periculi præter opinionem contigisset, & seducti in urbem ingressi, cuncta protinus direpturi viderentur, isque metus omnium animos perstringeret, à primoribus urbis facile impetratum est, ut generosi denuò in carcerem concluderentur. Ne fortè conspectis ijs in ciuitate solutis, ac demptis (quæ recēs iniecta fuere) vinculis

vinculis, seditioforum animi furoris & irarum pleni, ad cadem & sanguinem irritarentur. Convocati omnes atque iterum in custodiam conclusi. Postea tamen intellectum hostes urbe quæ venerant, egres- sos, in castra recessisse. Prator ac primores hoc peri- culo defuncti videntes coniuatos omnium iam for- tunis undiq³ perniciem ac interitum machinari, to- tos se in ciuitatis conseruanda cura defigunt. Quara- obrem decem maioribus tormentis versus hostes in fossa (quæ castello circumdatur) directis, & ad urbis defensionem (si qua vis ac impetus fieret) quibus- cunq³ in locis, aptè dispositis: ac potissimum in ijs quæ vetustate iam dilapsa corruerunt, custodias vi- giliasq³ constituunt. Quibus protinus ibidem con- sistere iussis, ut si qui nocturnus hostium terror in- cideret, continuo lapidibus, telisq³ disiecti, urbe per- tisquæ depellerentur: cetera multitudini imperatum, ut ad quemuis euentum armata omnis in foro, & in transuersis viarum diuerticulis præstolaretur.

Et quoniam apparebat tormenta (quæ quidē prius diximus in fossis & murorum ruinis defixa,) nec hostibus multum obfutura, nec ciuib³ quicquam ad defensionē opis allatura, idcirco Pratoris imperio ea omnia in planiciem cōfestim denecta sunt: ijsq³ prata quæ inferiori urbis parti subiacet, celeriter instructa. Noxq³ ferè tota quæ insecuta est, crebris atq³ infestis utrinque tormentorum emissionibus absorpta fuit. Postero die cōiurati vicissim cernētes, ex illo noctur- no tumultu, plus urbi terroris quā cladis illatū (prop

tereà quid glandes quæ è bombardis emitterentur, civitatem transvolantes, damni nihil fecissent) tormentis quæ habebant omnibus è summo in planum deductis, ipsæ ad radices montis defixis, urbem quatere de integro cœpere.

Verum enimverò quòd non ita multò post totis castris cibariorum inopia premi cœptum est, quò commodius posset ex finitimis locis commeatus subuehi, inducias cum civibus pacisci decreverunt. Iacobum quendam Gulielmum, & Radulphum Suttonum, homines impurissimos, ac de infima civium Norwicensium plebe postremos, huic muneri defungendo præfecerunt. Hi protinùs illinc cum induciarum vexillo ad portas profecti, & permissu civium ad Prætores & Senatuum introducti, demùm ita locuti traduntur.

« Dux noster Kettus, eiusq; commilitones, ab hac
 « civitate & à vobis Prætores, patribusq; paucorum
 « dierum pacem & inducias deposcunt. Quò sibi per
 « urbem (sicuti nuper fieri consuevit) detur commeatus
 « supportandi facultas. Quam utiq; nisi concesseritis,
 « per vim se in oppidum irrupturos, atque cuncta ferro
 « flammâq; deleturos denunciât: Prætor ad hæc respōdet.
 « Proditores esse illos tærrimos, perfidia & omni
 « inaudita nequitia coopertos. Nolle se eorum iniquis-
 « simis postulationibus quicquam deferre: nec si velit,
 « licere quidem: præsertim illis (hominibus qui unquã
 « post homines natos exstiterunt) turpissimis. Tot
 « illos, tanta ac tam intolleranda facinora suscepisse,

ut non solum è ciuitate excludendi, verumetiam ex
 finibus humana nature (si fieri posset) penitus exter-
 minandi viderentur. Regiam ab illis Maiestatem
 imminutam, patriam vastatam, Noruicensem penè
 omnem ciuitatem quaquà versus depopulatam, sibi
 posterisque æternum sceleris & perfidia dodecus
 inuictū, per vim ac nefas vexata, polluta, perturbata,
 dissipata omnia: tamen ut in ciuitate admittantur
 rogare? ut sint eo iure quo cines? fructuum ac mu-
 nerum diuinorum participes? inopia demum ut ab
 his subueniatur deprecari? Quid? non pœnitere sce-
 lerum quibus se obstrinxissent? ne pudere quidem?
 Enimverò statuere non posse sceleratiorēsne sint qui
 hæc patrārint, an impudētiores qui istac postularint,
 Sperare verò se à Pratore, & eodem Pratore, quem
 nuper carceris contumeliam perferre coegerunt, ab
 hac urbe, quam funditus excisum cupiunt, à populo
 Noruicensi, cui vim ac belli terrorem undique intu-
 lerunt, annonam & commeatum (veluti furoris pa-
 bulum) subministratum iri, cuius tandem dementia
 videri? Eant ergò eant, & Ketto conscleratorum
 flagitiosissimo duci hac renuntiēt. Cines Noruicenses
 Regie Maiestati, non patriæ proditoribus & bellis
 immanissimis obtemperaturos. Se ne tanti quidem
 facere pericula & terrores, quæ urbi ab illis inten-
 derentur. Irrumpant, vastent, deleant, excindant,
 prosternant, depopulentur omnia, dummodo vindicem
 sciant & ultorem Deum, & tantorum tandem con-
 scientia scelerum perhorrescant. Datturos enim pro-

“culdubio eas propediem pœnas, quas ipsimet sibi furo-
“re & amentia contraxissent.

His in castra ad Kettum & comites celeriter per-
latis, impotenti ira odioq₃ (tanquam œstris) perciti,
clamore truci ac infesto vociferantes de colle decur-
rerunt. Cumq₃ propè ad portas pervenissent, omni vi
connixi sunt in urbem irrumperè, sed telis sagittisq₃
repulsi, eo conatu destiterunt. Ac tum quidem
quicquid erat tormentorum, (quæ antea diximus in
subiectos urbi campos delata) id omne à nostris in
hostes effusum: ceterum in magna tormentarij pul-
veris inopia & libratorum imperitia, parum aut ni-
hil sanè profectū. Verumetiam multi sagittis confixi
vulnerabantur, quæ cum in terram frequentes de-
cidissent, puberes rusticani (quorum erat numerus
ingens) & alij de fece homines sordidissimi eas legere
solebant & ad hostes deferre. Adeoq₃ omnes exar-
serant animis, ut inermes etiam pueri (perinde ac si
vis quaedam illos à sensu mentis abstraxisset) passim
discurrentes, omni verborum contumelia nostros
lacefferent.

Addebatur huic maledictorum importunitati
facinus odiosum & immane. Etenim (legendibus
tamen honos præfandus est) quidam ex illis clamibus
detectis, & ad ludibrium in nostros versis, truci cla-
more ac ululatu cuncta complentes, palàm, spectan-
tibus omnibus, ea fecerunt, quæ ab homine verecūdo
scribi non possunt. Sed natibus transiectis, nonnulli
dignas (uti par fuit) sceleris pœnas dependerunt.

Quinetiam

Quinetiam ferunt quosdam ex illis sagittas in corpore defixas (horrendum dictu) ipsos suis manibus è recenti vulnere extraxisse, illasq; (ita uti erant) cruore & sanguine stillantes, ex coniuratis ijs qui circumsteterant dedisse, quo in nostros refunderetur. Tanta inerat in omni penè etate cuncta delendi libido, tantaq; sanguinis hauriendi sitis.

Interea verò cum ex altera parte ciuitatis horribilis clamor oriretur, AD ARMA, AD ARMA, „ Cines si viri estis AD ARMA: hostes in urbe sunt: „ illucq; omnes de repente, uti trepidantium mos est „ ubi maximè tumultuantium voces, strepitusque exaudiuntur, concurrissent: coniurati de superiore loco omnia contemplantes, & oppidanos raros in muris, & pro portis conspicati, ex tempore eam partem ciuitatis quam defensoribus vacuam viderent inuadere statuerunt. Ibi pueri (de quibus antea diximus) & ex illa colluione agrestium turba ingens, rem ausi sunt non modo visu mirabilem, sed & auditu profecto incredibilem. Namq; inermis ceteroqui multitudo, pars fustibus & gladijs, alij baculis, sparis, aut lăceis, (ut quemq; casus armauerat) instructa, in fluuium quo vrbs ad portam (quæ Episcopalis appellatur) alluitur, præcepse se demisit. Quem intrepide tranantes. & ad portas tumultuosissimis clamorib. vociferabundi deuolantes, omnium mētes tanto horrore perfuderūt, ut nullus penè existeret qui non eum diem sibi vrbiq; fatalem futurum crediderit. Itaq; pauidi ferè omnes consternatiq;

consternatiq; diffugerunt, & qua cuiq; dabatur iter in domum ac testorum abdita (urbem indefensam relinquentes) obrepserunt. At coniurati omnibus portarum claustris reuulsis, quodcumq; tormentorum & instrumenti militaris reperiebāt e ciuitate in castratransportarunt. Ibi cum ē nostris nonnulli ex harum rerum miserabili intuitu, dolore ac commiseratione perculsi, voce flebili, ac oculis lachrymantibus, hanc tantā à ciuitate calamitatē deprecarentur: à pueris, & rusticanis, qui ludibūdē circumsteterūt, produores appellati, ac indignissimum in modum omnibus probris maledictisq; lacerati, afflictisq; fuere.

Sed enim patefactis iam (ut antea diximus) portis, cum omnia seditiosorum audacia violentiaq; permiscerentur (frequentes enim ē castris in oppidum conuenerant) Fecialis (namque adhuc in urbe fuerat, necdum dies ultima a Maiestate Regia multitudini praestituta, ante quam liceret sine fraude ab armis discedere praterierat) cum Pretore in forum magna
 “multitudine ciuium circumfusus deuenit. Ibi Regis
 “nomine denuò denuntiat uti arma deponant, castra
 “relinquant, domum (quisque suam) decedant, miseri-
 “cordia & clementia Regia supplices utantur, si fece-
 “rint saluos se fore, omnisque supplicij securos: alio-
 “quin nihil aliud nisi acerbissimos cruciatus, mortem,
 “extrema denique omnia exspectanda. Huic (cum
 dixisset) arrogāter sanē & asperē à seditiosis succla-
 “matum est: Iret in malam pestem malumque cru-
 “ciatum, cum suis inanissimis pollicitationibus: insa-
 nire

nire ipsum qui talibus blanditijs in illorum aures in-
fluens, consideret eos verborum lenocinijs delinitos,
oppressos ad extremum & circumuentos iri. Istius-
modi verò misericordiam detestari se, & modis om-
nibus execrari, utpotè quæ extrinsecus lubrica &
inani impunitatis obiecta sse, penitus omnem insidio-
sissimè salutem præcidat & amputet.

Fecialis videns cunctos furori & nequitia veluti
mancipatos iam & addictos, nec posse ullo vel suppli-
cij metu, vel impunitatis spe, de sceleris cogitatione
deduci: infectare, vrbe confestim excedens, ad cu-
riam reuertitur. Protinus à cuius discessu coniurati
Leonardum Sothertonum ad se acciri iubent, quò illi
vincula inijcerentur, quòd is se comitem feciali in
itinere coniunxisset. Sed Sothertonus re intellecta,
veritus ne insana & turbulenta plebs, odio quo in om-
nes bonos incitata flagrabat, corporis illi carnisfici-
nam, necemue infligeret, clanculum apud suos in ci-
uitate delituit. Deinde Kettus prætorem, Robertum
Watsonum, Gulielmum Rogerum, Ioannem Homer-
sonum, Gulielmum Bramptonum, & alios complures
comprehensos, è ciuitate in castra, atque inde in cu-
stodiam deduci iubet. Quamobrem omnibus catena
iniecta, atque in montem Surreium conclusi, ibique
ad extremum coniurationis diem in carcere, ac vin-
culis detenti, tandem pars dimissi, pars verò crude-
lissimè interfecti sunt.

Dum hæc & huiusmodi in castris tumultuo-
sissime geruntur, Kettus cernens eò iam rē deuolui, ne-
cesse.

cesse ut sit illi aut cruenta victoria contra patriam potiri, aut dignam moribus factisq³ suis exitum propediem sortiri, commodissimum suis rationibus existimavit, si copie quàm possent maxima contraherentur. Quamobrem omnes undiq³ qui conciri poterant fugitivos, & homines tam à re quàm à spe derelictos, premijs ac pollicitationibus illexit, ut sese ad societatem huius execrandi tumultus adiungerent. Itaque incredibile est, quantam & quam penè innumerabilem facinorosorum hominum multitudinem de repente conflauerit.

Attamen ciues indignè ferebant Praetorem suum virum optimum & integerrimum, à flagitiosissimis sicarijs, & sanguinis ut iam videbatur sitientissimis vinciri, & vincto insuper carceris contumeliam & dedecus impingi. Metuebant etiam ne tandem ab illis crudelissimè per vim morte mulctaretur, eò quod pars eorum multa atrocità illi minitarentur: pars verò honestissimi viri nomen scurrili & insulto ridiculo, necnon periculoso (vipotè quo mors illi quodammodo portèderetur) perstrinxissent. Nam cū CODDVS nominaretur, piscis autem sit marinus, quem nostrates CODD appellant (qui idem Latinis Capitō nūcupatur) in Praetoris optimi nomine ac periculo ansas ad risum & ludibrium alter alteri inuicem subministrantes, identidem clamare & vociferari solebant, uti omnes crastinò convenirent, Capitonis caput eo die publicè in castris denario vanū iri. His de causis veriti, ne à seditiosis gravius aliquid in eum

sta

statueretur, Pratoris de se optimè meriti periculo mirificè perturbati, ad Thomam Alderichium certatim de hac tam importuna audacia, violentiâque effrenata questum venerunt. Fuit hic Alderichius vir (uti antè diximus) omnibus vehementer charus, tantumque prudentia, gravitate, & modestia perfecit (erat enim impigro atque acri ingenio) ut immanissimis etiam hostibus illius nomen plerumque terrori exstiterit. Nam cum illum omnes magnoperè dilexissent, singularem eius humanitatem ac modestiam admirantes, in tantam (etiam apud seditiosorum principes) auctoritatem brevè peruenit, ut eius neque consilium, neque inceptum ullum frustra unquam ceciderit. Itaque multis bona, quæ per vim à coniuratis adempta fuerant, illius opere restituta sunt, multique rebellium pestiferi conatus eius providentia ac sedulitate restincti. Hic igitur cum quanto in discrimine Pratoris salus ac vita versaretur, intellexisset, indignitate rei permotus, ad Kettum in castra perrexit, monet uti Pratori vincula adimeret, eumque à custodia liberaret. Ad hæc Kettus cum veluti cogitatione defixus, verbum nullum emisisset: Alderichius clara voce inclamans, Non te, „ pudet proditor nequissime, non dico hominem inno- „ centissimum, sed Pratorem, id est Regiæ maiestatis vicarium fidelissimum, carcere ac vinculis coër- „ cere? Adeone ferox & cruentus es, ut cum om- „ nium fortunas ac bona luxu ac libidine dissipaveris, „ satiari

satiari iam non potes nec expleri, nisi ad extremum innocentium etiam sanguinem exorbueris? Quin ergo homo omnium quos terra sustinet sceleratissime, eum confestim de custodia deduci inbes?

Hæ verborum tanquam faces acriter in Kettum intentæ, tantam siue hominis qui loquebatur verecundiam, siue, quod verisimilius est, ex scelerum conscientia metum ac formidinem incusserunt, ut quod alij precibus atq; omni contentione impetrare nequissent, id ille minis ac orationis gravitate perfecerit. Cuius prudentia Prætor libertatem adeptus etsi prorsus omnem illam turbulentissimi temporis procellam devitare non potuerit, tamen & carceris acerbitatem & vitæ periculum felicissime subterfugit. Quamobrem facta illi ultrò citroque in civitatem commeandi facultate, multis postea civium in ijs malis quæ tum urbem oppressere subsidio fuit illius probitas & industria. Et quoniam omni tempore ad gubernacula civitatis sedere nequibat (quippe qui plerumq; perpetuò in hostium castris commorari coactus fuerat.) Augustino quodam Stuardo (in illius locum suffecto) omnem urbis defendenda curam (se absente) delegavit. Qui quidem ascitis sibi Henrico Bacono, & Ioanne Atkinsono vicecomitibus, civitati diligentissime præfuit, omnesque oppidanos (nisi qui fortè immaniores exstitissent) in officio facile continebat.

Ceterum hic operapretium erit referre, quam tristes & tetrici Iudices exstiterunt in eos quos captos, & in vinculis detentos, omni ludibrio & ignominia

minia crudelissimè affluerant. Quorum tanta fuit
 atrocitas & nequitia, ut quos singulari primum &
 inaudito scelere violassent, eos ad extremū diuexatos,
 & acerbissimis affectos iniurijs, stolidissima & insa-
 missima multitudinis iugulandos obiecerint. Indictō
 namq; die, quo comprehensi veluti rei in publicum
 producerentur, ut præpostero Iudiciorum more qua-
 stio de ys exerceretur: Kettus palam omnibus inspe-
 ctantibus, arborem quam vocāt REFORMATO-
 RIAM conscendens, (ordine unoquoque nominatim
 citato) ab affectis & scelerum conscijs qui circumfusi
 steterunt, sciscitari solebat: quidnam illis videretur?
 Ibi furiosissimi nebulones, de vita innocentissimorum
 hominum quaestores ac indices constituti, si nihil de
 reo comperissent, BONVM VIRVM eum esse,
 BONVM VIRVM, & absolui debere conclamā-
 runt. Sin autem tenuissima alicuius leuissimi crimi-
 nis iussuptione, illius qui nominaretur fama perstri-
 cta fuisset, aut quævis vel minima res reperiretur,
 qua foris quæpiā ex illis aliquando offendisset, SV-
 SPENDATVR, SVSPENDATVR, respondet
 aliquis cuius voce cætera plebs veluti furiis instin-
 cta, tametsi hominem albus ateruè fuerit penitus
 ignoraret (vispotè cuius antea nomen ne audierit
 quidem) tamen idipsum semper vociferari consuevit.

Atque hunc in modum proditores pestiferi,
 non iudicio & ratione ducti, ne sui foris dissimiles
 viderentur) sed cæco ac repentino quodam impetu
 animi (quasi turbine) correpti, uno persæpè verbo,

& vesano veluti furoris nutu, viris integerrimis
 miserrima & crudelissima supplicia inflixere. Tanta
 certè vis morbi, atque vti tabes omnium animos inua-
 serat, ut alienatis propè sensibus, & tantorum scelerum
 atrocitate stupefactis omnia iura diuina & humana,
 immani furore & audacia polluerint.

Paucis ab illo tempore interiectis diebus, rei
 militaris praefectura, bellique administrandi potestas,
 GVLIELMO PARO Marchioni NORTHAM-
 TONIENSIS ex imperio Regis delata est: ius-
 sumque ut protinus Norwicum contenderet, daret-
 que operam ut quoniam hi tanti furores, clemen-
 tia ac mansuetudine, consopiri nequiuissent, Kettia-
 nos perinde ac proditores & Maiestatis Regia hostes
 immanissimos, ferro flammamque persequeretur.
 Northamptoniensis ex sententia rebus omnibus pa-
 ratis compositisque, cum mille quingentis militibus
 (sicuti imperatum fuit) paulo post Norwicum pro-
 ficiscitur. Erant autem illo in exercitu reguli duo,
 Sheffieldensis, & Wentworthensis, praeterea An-
 thonyus Denny, Richardus Southwellus, Radul-
 phus Sadlerus, Ioannes Gatesius, Thomas Pa-
 stonus, Henricus Bedingfieldus, Ioannes Suliardus,
 Gulielmus Walgranius, Ioannes Cutzius, Thomas
 Cornewalleysius, equestris ordinis viri. Ad haec
 Armigerorum, & generosorum, tam Anglorum quam
 Italorum, catervae splendidissima.

Cum iam mille tantum ab urbe passuum abes-
 set

set Marchio Northamptoniensis, facialem confestim
 præmisit, qui urbi (sicut mos est) nisi paruisset, bellum
 indiceret. A quo omnibus quæ fieri consuecunt, in
 ciuitate promulgatis atque transactis, Augustinus
 Stuardus urbis Proprator, celeres protinus nuntios
 demittit, qui Coddō Prætori renuntiarent (inuitissi-
 mum hunc antea diximus in Ketti castris deten-
 tum) quæ mandata Regio nomine ciuitati à Mar-
 chione Northamptoniensi proponerentur. His eadem
 quæ profecti sunt celeritate reuersis, demum feciali
 à Prætore responsum. Nihil sibi unquam in vita
 accidisse tristiùs, quam hæc mala quæ à seditiosissi-
 mis hominibus inuecta, patriam ac ciuitatem Norui-
 censem, antea florentem, iam penè inexpiabili scelere
 peruertissent. Se (quantum humana ratione provide-
 ri potuit) omni spe adnixum, uti hi tumultus primo
 quoquo tempore profligarentur: nequisse tamen præ
 scelerum rabie quibus implicata omnium mentes te-
 nerentur. Carceris se terrorem, mortis pericula, om-
 nes denique acerbitates pertulisse, ac nunc quidem ab
 hostibus undique circumseptum teneri, alioquin (si
 cuti par erat) ad Marchionem Northamptoniensem
 confestim venturum fuisse. Verum enimuero quò
 faciliùs ciuitatem in officio contineret, eius tuenda
 auctoritatem, Augustino Stuardo homini industrio
 delegasse, ne forte se absente, plebs per impru-
 dentiam laberetur. Urbem in illius potestate futu-
 ram, sequè (si Kettus permitteret) libenter ad eum iter
 in castra suscepturum; & suas ciuitatisquæ fortunas

R.ij.

eius

« eius fidei permissurum. Hys propter per fecialem ad
 « Northamtoniensem delatis, Proprator continuo cum
 « vicecomitibus ac magno civium numero subsecutus,
 « in Northamtoniensis castra concessit. Cui ense tradito
 « (insigne is est Regie Maiestatis & potentia, atq; in
 « maximis Anglia ciuitatibus pratori semper prefer-
 « ri consuevit) demonstrat quemadmodum Prator ipse
 « (quod maxime in votis erat) venire nequiret, se ta-
 « men atque primores ciuitatis sue adesse, qui urbem,
 « se, suaq; omnia in fidem atq; potestatem Regiam trans-
 « daret: fateri permultos oppidanorum existisse, qui
 « deterreri non potuerint, quin cum his consentiret, ma-
 « ximam tamen optimorum civium partem in fide ac officio
 « permansisse, neq; se cum reliquis coniunxisse, neque
 « contra Maiestatem Regiam omnino coniurasse, hanc
 « paratam esse, & imperata facere, & cum exercitumq;
 « in ciuitatem accipere. Northamtoniensis oppidanorum
 animos verbis confirmavit, pollicitusq; est sibi ciuita-
 tem curam futuram, magnam se habere spem, fore uti
 hi tanti furores, quibus nunc omnia arderent, breui
 compescerentur. Quae cum dixisset, Southwellio en-
 sem tradidit: quem ille (qui honos semper à nostris
 Praefectis regis antiquo more & solenni deferitur)
 nudo praeferebat capite, Northamtoniensis in ciuitate
 praibat. Qui per portas D. Stephani ingressus, pro-
 tinus indicit uti omnes ad se in forum conuenirent.
 Ibi diu deliberatum, multaq; à multis tam ad urbis
 defensionem, quam ad hostium impetus retardandos
 excogitata. Tum vigilia in muris, & proporiis ex-
 cubia.

cubia, omnibusque in locis (si qua fortè infirmiora videbantur) armati ad quemvis euentum collocati.

His constitutis rebus atq; peractis, Northamptonensis sub noctem in domum Propratoris venit : ibiq; cum cetera multitudine Nobilium ac Generosorum coenatus est. Peracta cœna, cuncti in illis adibus, etsi itineris tadio, ac æstu languidi, armati tamen (ne incauti opprimerentur) ea nocte conquieverunt.

Atque hic casûne, an consilio euenit, nondum satis comperi, factum tamen est, ut Itali quidam cum magna coniuratorum manu (multis vtrinque vulnerebus acceptis & illatis) conflixerint. E quibus unus cum intrepidantius se in medios hostes inferret, vir fortissimus, primum multitudine circumuentus, ad extremum captus, & ignominiosissima morte affectus est. Nam vestibis omnibus detractis, & armis (quibus indutus erat sumuosissimis, & affabrè sanè factis) nudum eum (multis tamen prius affectum probris & contumelijs) de Quercu in arce Surreiensis suspenderrunt. Magnum equidem omnes acceperunt dolorem: ex tam crudeli ac miserabili morte optimi viri, ac militis præstantissimi, hancq; tam atrocem ignominiam ab illo (si licuisset) pecunia (quanta certè æstimari non potest) libentissimè redemissent. Verum tamen ex huius calamitate, statim initio perspectum, qualis & quam detestabilis in ijs qui contra patriam scelerata arma sumserunt inesset immanitas. Quamquam non ita multò post consilio diuino (neque enim

malos diu consistere patitur inultos innocētium profusus cruor) Caymus ipse qui author huius tam diræ crudelitatis exstiterat, eodem genere mortis, et si nimium seras, dignas tamen tam execrabili senitia pœnas suscepit.

At enim Northamptoniensis nocturnos hostium in urbem introitus metuens: iussit ut custodia, & vigiliæ (quas antea diximus diuersis in locis dispositas, in muris, & pro portis, constituisse) acerbius, & diligentius (quam vulgò fieri consuevit) circumireretur. Quò (nostrorum tum oculis tum animis in omnes hostium conatus paratis atq; intentis) si quæ fortè nocturni tumultus procellæ exsuscitarentur, eorum consilijs facillimè, ac nullo negotio occurri possit & obsisti. Quod quidem à centurionibus sedulo factum fuit, ceteriq; omnes milites in foro excubabant, qui magna lignorum strue exstructa, eandem incenderunt, ne si quid fortè contingeret, nostri tenebris & locorum inscitia impediti, hostium insidijs, imprudentes & incauti circumuenirentur.

Edwardus Warnerus (equestris ordinis vir) & tum tribunus militum (Mareschallum vulgo appellant) tesseram dedit. Thomæ autem Pastono, Ioanni Clero, Gulielmo Valgrauio, Thomæ Cornwaleisio, Henrico Bedingfeldio (explorata virtutis, atq; prudentie viris) diuersa urbis partes ad defensionem ipsius distributæ sunt. Qui omni studio rem complexi, summaq; cum alacritate officio functi suo: tum huc & illuc, perpetuò circūcurritæ, nostrisq; nūc voce,

nunc vultu, nunc labore, & alacritate ipsimet sua, vim
& aculeos addentes, pestiferos rebellium conatus pru-
dentissimis consilijs anteverterunt,

Porro cunctis iam rebus ex sententia confectis,
Northamptoniensis, quiq; cum illo venerant omnes (ijs
solummodo exceptis, quibus, ut diximus, propugnanda
urbis cura incubuit) corpora diurno fessa labore, qui-
eti tradere constituerunt.

Iamq; suavi sopore, nostrorum hominum membra
deninxit somnus, cum concubia ferè nocte coniurati,
ac si iam in urbem irrupturi forent, terribili tor-
mentorum tonitru, horrificisq; omnia circum clamo-
ribus permiscuerint. Quamquam certè per commodè ea
in re accidit, ut ferrea pila, qua maioribus è tormētis
in urbem disploderentur, perpetuò supra nostrorum
capita volantes, nō magnoperè nocerent, sine eas ignis
vis, impetusq; violentius abstulerit, sine liberatorum
manus infide (nam sunt qui pecunia corruptos putent)
tormenta sua aliis aliquantulum quam expediret, de
industria direxerint. Qua quidem dum hunc in modū
(quamvis semper sine damno) creberrimè tamen ab
impuris importunisq; latronibus excercerentur, conti-
nenti fragore, reboatuq; horrifono tantum terroris in-
uexerant, vigiles uti nostri qui in muris, quiq; in por-
tarum stationibus constituerunt, (AD ARMA) sapi-
us conclamarent. Idquē cum crebrò fieret (neque e-
nim hostes unquam furere destiterunt) Northam-
toniensis qui se, si quid in urbem tumultuosius

coniurati machinarentur, protinus acciri iusserat, à Tribuno militum excitatus, ijs quos in exercitu habebat nobilibus ac generosis stipatus, in forum descendit. Deinceps quò paucitati atque infrequentie militum prospiceretur, oppidumq; facilius propugnari posset, concilium cœperunt huiusmodi: vii omnes aduersa ab hostibus porta, murorumq; ruina obstruerentur, rati sic nec militem ad mœnia defendenda defuturum, si copia augustius contraherentur & hostem (sine periculo) urbis introitu arceri posse.

Rebus hijs institui iam cœptis, & ad exitum penè perductis, seductiosi ad unum ferè omnes, & rapidissimi torrentis more è speluncis deuoluti, dissonis cum clamoribus, atque ululatibus feris, inconditisque, ad urbem decurrerunt. Ibi ferro, igniq; portas comburere, atq; exscindere conantur alij, alij muros conscendere: fluvium tranare nonnulli: multi per loca humiliora, & vetustate collapsa mœnia, in oppidum sese iniicere. Contra nostri omnia moliri cœperunt: magnaq; vi contendere: ingressum hostem undiq; fortiter repulerunt: aduentantem iam, & influentē, viriliter reprefferunt: hastis, sagittis, gladijs, omni telorum genere profligarunt: eoq; rem deduxerunt, uti fractus paulatim atq; imminutus irruentium vigor fluctuare aliquantulum incœperit. Caterum pugna fit inflammatissimis utrinq; animis, saeva, peratrox, cruenta, (si qua alia) dum in urbem per vim infundere se niterentur hi, nostri autem illos omni aditu prohibere. Itaque ad horas ferè tres, acerbissimis inter se confli-

Etati

Etati odij decertarunt, commissumq; acrius (suprà
quam quis crederet) & ardentius diuersis in locis
pralium: euentu certè adeò dubio, & ancipiti, ut nisi
nostrorum hominum ad repugnandum ardor mirifi-
cus, Pastonij verò, Valgrauy, caterorumque equitum
peregregia virtus, & planè inexsuperabilis extitisset:
ea nox nostris proculdubio una omnium calamitosi-
ssima contigisset. Tanto siquidem furore rebellium
mentes ignita atque incense fuerunt, tantaq; bellandi
libidine, ut quamuis mortiferis concisi vulneribus,
pugna tamen abstinere noluerint, sed semianimes, &
suo atque alieno, immergi cruore, ad extremum us-
que spiritum nostris indignabundi restiterunt. Mul-
ti etiam pectoribus ferro transfixis, & fœmorum
neruis, atq; poplitibus incisis (horresco referens) ge-
nibus innixi tamen, tam diris exagitabantur furys,
nostrorum ut nates atque crura intermortuis iam
penè manibus & planè exsanguibus conuulnerarent.
Verùm enimuerò nostri inclinatham iam tandem ho-
stium vim & subdeblitatam animaduertentes,
impetu adeò vehementi sese intulerunt, uti su-
stinere repugnantes diutius, aut consistere nequi-
erint, sed viribus undique protrititis atque contu-
sis, ingenti cum strage suorum (trecenti enim in
illa pagna ceciderunt) ex oppido expulsi, reiectiq;
in perniuisa cubilia denuò sese condiderint.) Quo
nostri praelio defuncti, (paucis ex suis desyderatis,
vulneratis verò paulò pluribus) aduersus omnes ho-
stium insidias securi, id quod supererat noctis (su-

perfruit autem non multum) quieti dederunt.

Crastinus autem ubi illuxisset dies, ex oppidanis nonnulli ad Northamptoniensem detulerunt, permultos esse coniuratorum in Ketti castris, quorum in animis omnis iam furor restinctus deserbuisse, hos per facile & nullo negotio impelli posse, ut ab illa conscelerata perditorum hominum societate desciscerent, ad officij cogitationem & salubriora consilia sese traduci sinant. Pertasum enim iamdiu scelerum quae perpetrassent, praestoq; esse ad portas Pockthorpenses, quatuor vel quinque millia hominum, qui nihil aliud expectent, nihil desiderent, nisi pacem & veniam quae si iam tandem ab illo proponeretur, conficere se illos è vestigio arma abiecturos, & Regia se clementia misericordiaq; permissuros, Northamptoniensis ex hoc nuntio, incredibili sane latitia ac voluptate perfusus est, utpote qui maluerat facilem & incruentam reportare victoriam, quam (et si perduelles essent & nocentes) lugubrem tamen, & civili sanguine respersam. Fecialem unà cum Tubicine confestim dimittit, iubet fidem uti Regiam interponeret, impunè fore omnibus qui ab armis recederent. Hi continuo ad portas Pockthorpenses progressi, neminem tamen illinc inveniunt. Verum fecialis buccina signum dat, ad quod cū ab hostibus effusissimè de monte decursum esset, Flotmannum quendam (hominem ferum & immanem) conspiciatus. (princeps enim de colle descenderat) clara voce fecialis consistere iubet. Quarenti quidnam esset?

esset? & cur tuba cantu illos ad colloquium concinisset : Fecialis : Abi (inquit) & à Marchione Northamtoniensi, huius belli praefecto, tuis renuntia : Maiestatem Regiam monere, uti iam tandem resipiscant, & his tantis furoribus finem imponant : si fecerint saluos se fore, & illius clementia tutos, & incolumes, neque cuiquam quod admisset sceleris, fraudi futurum.

Ad ea Flotmānus (ut erat volubili semper lingua, & ad petulantem loquacitatem celeritate quadam precipiti) superbe minaciterque respondisse fertur : Quod ad Northamtoniensem attinet, se ne tanti quidem facere, nullius neque virtutis, neque consilij, neque fortuna virum, sed eum contemnere, & pessime odisse, tanquam infamem, leuem, impurum, atque aliena semper opis indigentem : perfidia denique atque omni proditionis turpitudine delibutum : Regiae salutis, dignitatisque propugnatores se semper acerrimos extitisse, eaque mente perpetuo futuros, illius ut incolumitate suas, omniumque bonorum fortunas inniti arbitrentur. Arma se induisse, non contra Regem, sed qua Regi, sibi que in posterum salutaria futura confidant : neque ulla, vel concepti sceleris conscientia, vel laesa Maiestatis dedecore illigari. Ecquid enim aliud conari? quam regium nomen, maiestatemque defendere? communi saluti prospicere? legum libertatisque iura tueri? semetipsos, coniuges, liberos, fortunasque suas conservare? rem denique publicam (indignis vexata modis) ab inimicorum suorum detestabili superbia, libidine, crudelitate, vindicare? Proin

„ Proin culpa expertes à pœna itē immunes ac liberos
 „ esse debere. Nam quod persplendens ille praco mul-
 „ toq̃ per insignis auro, ad speciem præclara sibi quadā
 „ & magnifica dudum proposuisset : id eo sanè fieri
 „ consilio, ut aut insidiosa pacis conditione, libertatis
 „ recuperanda studia restingueret: aut ipsos salutaribus
 „ quibus septi fuerant præsidys nudatos, omniquē ope
 „ exclusos, truculentissimis belluis deuorandos obijce-
 „ ret. Impunitate igitur (inquit) tua qui deliquerint,
 „ fruantur per nos licebit : nos qui hys armis, atque
 „ innocentia tecti nostra, securi tutique sumus, nullius
 „ unquam misericordiam implorare decreuimus. Ete-
 „ nim postratam iam penè Rempub. & generosorum
 „ indies importunitate labefactatam, & impulsam,
 „ aut hys conatibus, ex miserabilibus in quibus iam
 „ diu iacuit ruinis, ad pristinam dignitatem excitaturi
 „ sumus : aut (quod viros fortes, magnoq̃ præditos ani-
 „ mo decet) capitis periculo audacter decernentes, in
 „ prælio (nequaquam prodita, quamuis oppressa liber-
 „ tate) merituri.

Vix dum finem fecerat huius furiosissima oratio-
 nis (homo mortalium omnium perfidiosissimus) cū
 repens de improviso clamor omnem quaquā versus
 urbem peruasisset horribilesq̃ exaudirentur hominū
 trepidantium, & AD ARMA conclamantium
 voces, quibus omnium undiq̃ aures personauerunt.
 Namq̃ hoc ipso tempore dum hac ad portas Pock-
 thorpēses fierent, coniurati insanabili rabie ac perti-
 nacia incitati, per loca quadam propter infirmorum
 hospitia

hospitia in urbem irrumpentes, hostilem in modum omnia ferro igniq; vastantes incedunt. Veruntamen à nostris in planicie iuxta palatium Episcopi Norwicensis celeriter accursum est, ibiq; pugnatū diu sanè atq; acriter, circiter centum & quadraginta hostium cæsi, & ex nostris militibus aliquot, vtrinq; autē multi gravissimis vulneribus affecti.

Sed omnium oculos mentesq; miserabili luctu ac horrore perstrinxit DOMINI SHEFFELDII mors indignissima. Hic dum (ut fit) generis ac dignitatis magis, quam salutis sue memor, viridius & ferox, rei q; gerenda percupidus, in confertissimos hostes alacrius & incautiùs pugnans inuehitur, fortè fortuna ab (rapido cursu circumagēdo) equo effusus, in fossam præceps deuoluitur. Ibiq; vir nobilissimus à sicario scelestissimo crudelissimè interficitur. Cumque hanc tam diram, & atrocem à se mortem, omnibus modis, quā præmia maxima pollicitando, quā nobilitatem, nominisq; splendorem sapiùs indicando, deprecaretur: tantum absuit illorum ut animos, aut hominis, aut nominis commiseratio subierit, ut cō ferocioresexisterint. Posteaquē de facto (velut gloriosissimo) inter se contendentes, ad laudem eius tam inuisi facinoris, ita cuncti animis exarserant, ut penè ad vim ventum sit, cū vtrinq; incenderentur ad decus & gloriā, quæ apud suos proposita videbatur ei, qui homini splendidissimo fatale illud vulnus, ac mortiferum inflixisset. Sed omnium opinione, Fulcus cæteris palmam præripuit, qui palam predicabat (De-

um detestans) à se clana ietum interisse. Vtunque fuit, vir clarus & honoratus, hoc iam tristi fato functus, occubuit. Et Fulco non ita multò post (vindice Deo) debita tanto scelerei premia persoluta sunt.

Verùm enim uerò dici non potest quantum semper in utramq³ partem valeat ad victoriam amplissimorum virorum interitus. Etenim hostes cognito hoc tam lugubri casu, infestiores fieri cœperunt, & ad prælium committendum alacriores: nostri autem sensim animis imminuti, paulatim elanguescere: adeò ut cōiurati letitia elati, magno undiq³ clamore quasi explorata iam victoria sublato, in urbem (quà dabatur iter) nostros hostiliter insequentes inuolauerint. Qui partim multitudine oppressi (viginti enim penè millia coniuratorum erant: nostrorum autem mille tantū quingenti) partim autem huius illustrissimi adolescentis clade perculsi, urbe cesserunt: diuersisq³ itineribus per denia tota nocte inter saxa, vepres, & virgulta dilapsi, Londinū tandem omnes reuerterūt.

At cines tot tantisq³ onerati atque obruti malis, cū omnia undiq³ hostium plena essent, vim ac cadem, cunctaque quæ in captis urbibus fieri solent hostilia metuentes, omni spe abiecta è ciuitate diffugerunt. Tantoque pauore plerumque omnium animi defixi fuerunt, ut multi mentibus simul luctu, metuq³, à sensu rerum suarum abalienatis, uxores & liberos, omnesque fortunas in hostium potestate relinquerent.

Multi

Multi vero suā quisq; spem, sua consilia (communi-
 bus deploratis) exsequentes, quicquid esset auri, ar-
 gentine, & suppellectilis pretiosissin cloacas puteosq; de-
 merferunt. Urbem verò totam quaquaversus per-
 vultu luctus & mulierum puerorumq; ploratus, qui
 cum hostium clamore, & flamma sonitu, & ruentium
 rectorum fragore permixtus, horrendo cuncta com-
 plexerat sono. Nam coniurati statim à Northam-
 toniensis discessu tectis ignem iniecere, isq; per domos
 vicosq; horribili flamma diffusus, magnam urbis
 partem celeriter absumpsit. Etenim quæ erant ad vicū
 Holmensē ex utraque parte incendebantur omnia
 hospitiatq; quæ plebi inopi ac valetudinaria destina-
 bantur, tum Episcopalis, Pockthorpenensis, Magdale-
 nensis, Bearestretensis portæ, multaq; præterea varijs
 in locis adificia conflagrauerunt.

Accidit autem peropportunè, ut eodem tempore,
 magni imbres de cælo defluerent, quibus ignis cele-
 riter restinctus, nequaquam tam passim, ac latè
 quàm hostes volebant pernagatus est. Ad hæc
 proditores diuitum domus ingressi, eas diripuerunt,
 exhaustas etiam nonnullas igni concremauerunt.
 Tantaq; & tam varia, nefanda crudelitatis exempla
 ubique adiderunt, ut iam non homines, sed immanes
 belluæ formam hominum induta, in urbem ingressæ
 viderentur. Etenim satis constat, illa tempestate
 ciuitatis speciem, tam lugubrem, ac miserabilem ex-
 stitisse, cū nihil aut oculis hauriretur, aut auribus cō-
 ciperetur, nisi ululatus, cantusq; hostium dissoni, fletus
 muliebris,

muliebris, virorum clamor, & huc & illuc discurrē-
tium strepitus, tum ferrum, flamma, ruina, ceteraque
(qua ne narrando minora faciam, prudens pratero)
ut non videntium solū mentes oculosq; horror per-
fuderit, verum etiam audientium aures & animos
incredibili mœrore perculerit.

Capta igitur hunc in modum à coniuratis urbe,
incensa, direpta, deserta, cū omnia undiq; (præter-
quam ab hostibus) solitudo occupauisset (nam qui in
oppido remanserant, obseratis ianuis in intima adiū
se se abdiderant) Proprator solus, velut ad spectacu-
lum occidentis patriæ à fortuna relictus, consilij, &
auxilij expers, cū de summo adium cuncta flammis
ac ruinis vastata vidisset, ratus, hostes non ita mul-
tò post, sicut adibus stragem intulissent, sic hominibus
vicissim vim ac mortem illaturos, occultis foribus
domi se continebat.

At coniuratorum intereā manus ingens, velut
agmine facta, per portas Augustinenses in urbem
irrupit, cunctiq; præcipiti cursu ad Propratoris do-
mam delati, fustibus & ijs quæ fors obiecerat baculis,
armati, fores effringere conantur. Demū ignis
subijci coeptus, ad quem terrorem Proprator cum
cohorruisset, ianuam (namq; omnes serui in fugam se
proripuerant) recludit. Protinūs illum comprehendunt;
palliumq; (quo tum fortè utebatur detrahunt, proditi-
torem appellant, necem deniq; minitantur indignam,
nisi indicaret quo in loco Norhamtoniēsis delituisse-
t. Cum ille discessisse omnes respondisset, eam vocem
cunct

cuncti clamore ac indignatione tumultuosissime exceperant, omniq³ impetu in ades irruentes, loca quaelibet furacissime perscrutantur. Deinde ad prædanda lapsi, spolijs onusti recesserunt. Sed multi, partim pecunia alijsq³ rebus à Propatore acceptis, partim cuiusdam hominis voce, qui illa intolleranda esse dixit, & furti ac flagitia omni supplicio vindicanda repres- si, sarcinas oneraq³ quæ prius asportassent denuò in officinas coniecerunt. Veruntamen permulti civium, quorum domus seditiosi intrarunt, cum Northamptonenses tantum querere præ se tulissent, omnibus fortunis exuti spoliatiq³ sunt. Præcipue verò eorum ades dispoliauerat, qui urbe cesserunt, illos proditores, Maiestatiq³ Regie hostes apertissimos esse prædicantes, bonaq³ illorum se in fiscum redacturos. Ceterum oppidanorum nonnulli id consilij coeperunt, ut panem ac potum, omnisq³ generis alimenta furiosissime multitudini exhiberent: quibus misera ac ieiuna plebs delinita, nonnihil à rapinarum rabie conquieuit. Nihilominus quàm plurimi, hac inexpectata calamitate accepta, magna damna, iniuriasq³ pertulerunt, tantiq³ depressi difficultatibus fuerunt, ut semper postea dum vixerant (vivunt autem adhuc etiam nonnulli) domesticis rebus implicationes exstiterint. Subit interim rebellium animos (ut videbatur) futuri temporis recordatio: proin à vi ad salutis curam conuersi. Propatori, urbisq³ primoribus imperant, uti ostiatim à civibus, ad omnes portas custodia vigilieq³ quotidie instruuntur: ni fecerint, mortem ac cruciamenta acerbissima interminari.

S.

Præ-

Præterea in templo (horrendum dictu) in templo
 Dei Optimi maximi, proditores importunissimi,
 quoties pluvia decidisset, furorum suorum castra lo-
 cârunt. Eoque progressa est improbitas & audacia,
 cunctaque delendi libido, ut nec sapientissimorum
 hominum voces, nec diuina vindicta terror, nec mu-
 lierum lamenta, & lachryma, eos à scelere auocare
 potuerint. Etenim famina, postquam cede inermi-
 um temperatum conspexissent, frequentes sese in vijs
 obiecerant, uti patria parcerent rogantes, sibi, su-
 isque, homines se meminerunt, hominibus natos, sa-
 tis in illos, quorum causa arma coeperunt, sanctum,
 & inicerent modò franos ira, pacem veniamque, atque
 omnia proculdubio bona à Maiestate Regia conse-
 cuturos. Sed ut antea dictum est, nec mina, nec
 sapientum consilia, nec precum blanditia, neque vlla
 denique res, potuit eos à tanta flagitiorum atrocitate
 detertere: donec patria miserandam cladem, &
 sibipsis dignum talibus sceleribus exitium tandem
 contraxissent,

Namq; Rex postquam intellexisset maiestatem suam
 indices magis magisque minui nefariorum hominum cetum
 augeri: cuncta hoc execrabili insanissimi tumultus
 furore permisceri: clementiam & mansuetudinem
 regiam contemni: nullum iam misericordiae locum
 relinqui: lenibus remedijs nihil profici: insanabilem
 esse animos, & letali lœne contactos: omnem denique
 salutis spem penitus ademptam, nisi eam solam quæ
 in vi & suppliciorum atrocitate defixa foret: hanc
 primam

primo quoque tempore adhibendam existimavit. Quā obrem in comitatu Lincolnienſi, et variis regni regionibus, delectus inſtitui, ac militē cōſcribi iuſſu, magnūque Helueticū numerū accerſiri, ratus (id quod res monebat) ſceleratam iam gentē ſtirpēque penitus interfici debere, alioquin ſi latius ſe diſſiparet, vicinamque plebē ſceleris contagione inficeret, tum demū diſſiculter ſiſti poſſe, cū illius peſtis feruor longius peruagatus, atque in regni tanquam venas ac viſcera iſlapſus, omnes eius partes funeſtiſſimis perfidia flāmis inuoluſſet. Huic exercitui IOANNES DVDELEIVS comes VARVICENSIS, (peregregiæ nobilitatis admirandaque virtutis vir) præſicitur: illique literis mādatisque Regis imperij ſumma deſertur.

Hæc autem tum apud noſtrates opinio omnium ferè ſermone percrebuit, huius ampliffimi Comitæ tantam eo tempore animi magnitudinem ac rei militaris ſcientiam exſtiſſe: ut aut ab hoc ſuperari, aut nullo certe proſtigari poſſe viderentur. Harum igitur rerum voces in vulgus crebra ſparſe diſſeminataque, aliquam exercitus, apparatusque regij, rumoris auram Kettianis afflauerat. Poſtea verò cū pro certo comperiſſent delectus illos, Ducem, arma, cohortes, omniaque bellici terroris inſtrumenta, in ſe inſtituta, parata, intenta fuiſſe, confirmare ſe indies, ac omnia circumſpicere ac periclitari ceperunt, quò inſtructiores eſſent ad reſiſtendum. Tantum abſuit ut eorum immanitatem et audaciam vlla vel ratio imminuerit, vel terror infregerit.

S.ij.

Hunc

Hunc in finem cū multa quotidie à seditiosis tumultuosius fieri animaduertissent ciues quidā, vim, cadem, rapinas, incendia, omniumq; rerum lamentabilem interitum metuentes demū ne inuiti etiā ab illis stare cogerentur, si in ciuitate remansissent veriti, rebus omnibus quæ raptim coaceruari poterant, in vnum congestis, ijsq; aut in terram defossis, aut camentariorū opera, latere lutōne circumclusis, noctu clam ex vrbe profugerunt.

Varuicēsis interea, postquam se milite tam domestico quam externo, pecunia, armis, cunctisq; quæ bello vsui sunt, rebus instruxisset, omnibus copijs circumfusus Londino proficiscitur. Fuerunt in illo exercitu Marchio Northamptoniensis (penes quem rei militaris administratio nuper fuit) AMBROSIVS ac ROBERTVS DVBLEIVS Varuicēsis filij: Wylloughbaui, Poysius, Braiui, multiq; alij proceres illustrissimi: præterea equitum, armigerorum, generosorum, Heluetiorum, & cuiusvis ordinis militum circiter millia penè quatuordecim.

Cū ad Cantabrigiā peruenissent, ibi ad Castellū Varuicēsi obuiā sit à primoribus aliquot vrbis Noruicēsis, ceterisq; ciuibz: quos paulo ante diximus, ex formidabili et perinfa na cōiuratorū audacia, timore cōcepto, cōfusus, perterritosq; ex oppido profugisse. Hi squalore et sordibus obsiti, et in genua plap- si uniuersi se ad pedes illius proiecerunt, flebilibusq; eum vocibus atque lamentis vehementius obsecrare cœperunt: Ne quid grauius in se statueret, nullus se culpa

culpae conscios, Regiam tamen clementiam ac misericordiam deprecari. Incredibilem sanè dolorem, ex hac miseranda patriae clade ac vastitate concepisse, extrema omnia perpeffos, domum quò vitæ consulerent, fugere è ciuitate coactos, ferro, flammaque ab urbe, ab uxore, à liberis, & penè à complexu suorum diuulsos & eiectos. Tantis in miserijs (quibus undiq; premerentur) nihil tamen aliud obtestari, nisi ut si in hoc communi, & summo omnium timore per errorem & imprudentiam, inscios se aliquo scelere implicauissent, id ne fraudi sit, sed ut huic omniū dolori, & precibus condonaretur. Varuicensis ad hæc.

Intelligere se quanto in periculo fuerint, magnāq; eam perditorum hominum proculdubio vim exititisse, quæ ab omnibus ijs rebus eos, quæ tantum non vitæ cariores sunt, abstraxisset: fateri nihil illos (quod sciat) perperam admisisse. Quod urbem in tanto terrore reliquissent, humanum id quidem & ferendum videri. Vix in re paulò imprudentiores fuisse, qui initio his tantis malis non obstiterint, per paucos quidē fortes & prudentes viros, momento temporis illos cœtus discussuros, si recenti re, se p salute patriæ intrepidè obiecissent. Veniam nihilo tamen secius quam peterent concedere, Regiamquæ cunctis clementiam imperiri. Iubere insuper ubi se telis militaribusque rebus intruxissent, parati uti sint qui agnē sequantur, colla teniolis circumuincti, quò à cæteris discerni queant.

His peractis Cantabrigia proficiscitur, & ad X.

S. iij.

Kalendas

Kalendas Septemb. omni cum exercitu Intwoodiam peruenit. Distat autem Intwoodia Norwico, ad duo ferè millia passuum, ibiq³ Thomas Greshamus quidam (equestris ordinis vir) domum habuit sane peramplam & ornatam, in qua Varuicensis eo die, & insequenti nocte cum suis permansit. Armati tamen omnes fuerunt, & ad praelium instructi, si quid forè tumultus repentini hostes exciuisent: qui quidem è speculis & turribus cuncta qua fierent cōtemplabantur. Varuicensis interea dum (ut antea dictū est) cum omnibus copijs Wintwoodie consedisset, feci-alem mittit, qui Regis nomine urbi, ciuib³q³ (ut mos est) bellum denunciaret, nisi portis quamprimum patefactis, atq³ reclusis, Regium exercitum in oppidū intromississent.

Kettus ubi fecialem ad portas peruenisse intellexisset, Augustinum Stuardum Propratorem & Robertum Ruggum urbis primores, adire eum iussit & ab illo quid postulatum venisset sciscitari. Ii per posticum emissi, re cognita, feciali respondent.

Miserrimos sese arbitrari omnium qui unquam vixerunt mortalium, tot tantisq³ cladibus & animo, & corpore perfundtos, ut ad earum memoriam totis artibus contremiscant. Verū tamen hoc unum praeterea etiam ad summam calamitatem, doloris & dedecoris adiungi, quòd eam quam Regia maiestati fidem deferre & debeant, & cupiant, hoc tempore præstare nequierint. Infelicitissimos sese existimare, quorū in illa tēpora atas incidisset, quibus implicita
semper

semper aut vite, aut dignitatis discrimen subeundū , foret. Nihilominus bene se de Regia Maiestate , sperare, utpote qui nullo horum se scelerum consensu , deuinxerint, sed ea (quantum certè fieri potuit) à ciuibus suis magna cum rei familiaris iactura, & , incredibili semper vite discrimine depulerint. Vnū , hoc insuper à Varuicensi demississime deprecari, ut , quoniam in urbe Kettianorum innumerabiles essent , inermes, inopes ac nudi, quos. (præterquam quod , metu & flagitiorum conscientia, astricti tenerentur , cetero qui huius societatis pertæsum esset, utpote qui , cupiditatem ipsam malefaciendi, furorum facietate , repleuissent) rem sæpius frustra tentatam , semel , tamen iterum experiri dignaretur. Magnopere , sese confidere demonstrant, si hoc tempore impuni- , tatis spes denuò proposita sit : fore uti protinus sine , cade ac sanguine ab armis discedatur. Eternam , eius rei ad posteros memoriam futuram, & glori- , am quauis victoria præstantiorem : si pacem ac , tela ciuili nequaquam imbuta cruore domum repor- , tasset.

Fecialis continuo à colloquio Propratoris in ca- , stra Varuicēsis digressus, cuncta quæ ab illo didicisset , demonstrat. Varuicensis, cui nihil antiquius fuit, , quàm ut (si qua ratione consieri posset) incendium , hoc, tam periculosum & acerbum, sine cruore ac , sanguine restingueretur : statuit & ipse quoq., hu- , iusce rei consiliū, non facinorū quæ designassent atro- , citate, sed dignitate regia, & regni utilitate metiri.

S. iij.

Metu-

Metuebat insuper ne Generosi qui vincti in carcere ac custodijs detinebantur, magnis indies terrorum iactati fluctibus, tandem ab illis crudelissimè interficerentur, namque mortem quotidie interminabantur, & permultos ex ijs, ac præcipuè Rogerū Woodosium, equestris ordinis virum, omni verborum contumelia lacerarunt. In quo sanè viro violando atq; vexando, inauditam illam suam atq; insatiabilem animi crudelitatem exercuerunt.

His igitur de causis placuit denuò experiri, possent ne iam tandem venia & impunitatis spe, de sceleris errore deduci. Dimissus ad id statim cum tubicinè fecialis, quibus urbem ingressis, obuiam fit protinus à quadraginta seditiosis, qui bini pariter incedentes (erant autem omnes in equis) multo cum plausu, ingentique clamore à porta Divi Stephani ad Episcopalem perrexerunt. Ecce tubicen buccina cantu signum dat, ad quod cum confertim de collo magni coniaratorum greges cōfluxissent, citato cursu equites ad illos dinolarunt. Iubent uti utraque parte via ordine directo consisterent. In quem cum se è vestigio retulissent, fecialis cum tubicine, civitatisq; primores duo, per medios hostes progressi, magnis undiq; clamoribus ac vociferationibus excepti sunt. Namq; singuli capitibus denudatis vno veluti ore ac consensu ad unum fere omnes conclamarunt. VIVAT EDOVARDVS REX. VIVAT EDOVARDVS REX.

Collaudati

Collaudati ob id à feciali & primoribus ciuitatis, atque ordinem quem tenerent uti eundem paulisper conseruarent rogati: fecialis cum eum in modum ducētos quinquaginta fere passus confecisset, tandem collis cacumen conscendit. Ibi sacris ac solemnibus velatus insignibus paululum moratus, (nondū enim Kettus venerat) demum ita locutus fertur.

Non ignorare illos ex quo primum scelerata arma in patriam coeperunt, quot quantisque modis, omni studio, labore, sollicitudine, Regia Maiestas eam in curam incubuerit, uti à scelerum atrocitate, qua omnia iura diuina atq; humana violauerunt, ad aliquam officij, & salutis suae cogitationem (conuersis tandem voluntatibus) iraducerentur. Non semel tantum, sed saepius iterum atque iterum, pacis pracones atque internuntios ad illos misisse, quos tamen despectos semper, atque omni affectos ludibrio, destabili furore ac perfidia neglexissent. Nunc vero (prò Deum immortalem) quo ruerent? quo se fortunasque suas exitiabili vesania precipitarent? quem perfidiosissimis furoribus modum? quem impurissimis consilijs exitum imponerēt? Quousq; pestiferis incitati cupiditatibus, quas semel animis viuendi spes falsas atq; perinanes imbibissent, letali sepe vanitate confectarentur? Quousq; turpissimā exitiose perditionis impietate, euentitis verborum titulis, cōdecorarent? Quousq; horribiles impuritates, atq; nequitias, falacissimis virtutum integumentis inuoluerent? Quousq; deniq; earum rerum, fatali desiderio

S.v. teneren-

erentur quas si assequi liceret, atque indipisci, totius
 continuo Reipublica interitus, longe acerbissimus,
 atque luctuosissimus accideret? Quin potius iam
 tandem circumspicerent paulisper, atque animum,
 mentemq; adhiberent, REMQVE suam PUBLI-
 CAM (de qua omni in sermone nō perinsulse minus,
 quān nefarie impieq; gloriari sole rēi) intentioribus
 oculis acerrimè contemplerentur. Enimuerò tam
 facilimè perspicì posse, fidelēsne subditi sint, & bono-
 rum ciuium nomine digni, qui contra maiestatem
 Regiam hostilia arma induerint: qui despicatissimo-
 rum hominum, flagitiosissimos greges conflauerint:
 qui patrie (communi omnium parenti) impias, atq;
 sacrilegas manus intulerint: qui plebis fecem mor-
 talium vilissimos, (omni penè ex Anglia excussos) in
 Rempubicam, ad bonorum interitum, & regni di-
 spersionem immiserint: qui maximam ornatissimæ
 ciuitatis partem acerbissimo incēdio deleuerint: qui
 permultis fortibus, atq; integerrimis viris fœdissima
 vincula iniecerint: nonnullos autem exquisitissimis
 cruciatus tormentis pernecarint: quo refertissimas
 domus penitus exhauferint, vicinasq; villulas com-
 pilarint: qui multorum (nuper diuitum, nunc autem
 illorum immanitate, miserorum, atque egentium)
 fortunas, ad se, in sua nefanda castra funesto latro-
 cinio trāstulerint: qui falsas leges, falsas literas, falsa
 diplomata, Regis nomine consinxerint: qui templa
 dei optimi maximi profanauerint: priuatorū homi-
 num domos prostrauerint, agros circumquaque per-
 culerint

culerint, & afflixaerint : qui cogitationes omnes stu-
 dia, conatus, ad depopulationes, cedes, vastationes,
 incendia, rapinasque conuerterint: qui denique nihil
 superesse sinerint, quo progredi longius posset furoris
 rabies & amentia, quin id totum, aut profundissi-
 ma libidines absorpserint, aut importunitates teter-
 rima dissipauerint. His cum se tot, tantis ac tam
 horrendis flagitiorum foedatibus, Deo, Regi,
 Rei que publica, obstrictos videant: cumque iam
 cum in locum res suas, fortunaque omnes, deductas
 animaduertant, atque uaplane profligatas, & perdi-
 tas, peiore ut conditione quam nunc sunt (sunt enim
 pessima) ne si cupiant quidem, esse queant, tum
 ipsi secum recordentur, quam in immensum ma-
 lorum mare precipites sese deuoluerint: cogitentque
 quid pertimescendum sit illis quorum capitibus sem-
 per impendeant, (qua vitari certe nullo pacto pote-
 runt) diuini numinis ira, & inuictissimus violati
 infestique Regis exercitus. Etenim decreuisse maie-
 statem suam, non pati diutius harere hoc tantum
 malum in visceribus regni sui, neque tam feram,
 immanem & intolerandam audaciam ulterius im-
 puniam & inultam relinquere. Itaque delegisse
 Comitem Varuicensem, (celebris gloria, multique
 nominis virum & huic rei a maiestate sua prae-
 stantem) qui illos ferro, ignique persequeretur, iussis-
 sequere uti nunquam prius desisteret, quam hanc il-
 lorum tam tetram & horribilem societatem radici-
 tus excidisset. Nihilominus tantam esse eius im-
 mensa

e mense bonitatis, atque clementia magnitudinem, ut
 e quem perditorum facinororum (si perseuerarent) vin-
 e dicem constituerit, eundem quoque (si secus fece-
 e rint) misericordia sue interpretem atque admini-
 e strum esse voluerit. Quam nisi iam (deterioribus
 e posthabitis consilijs) amplecterentur, Varuicensem
 e per omnia sacra iurare, nunquã eam posthac cuiquã
 e oblatam iri, sed se (sicuti sibi à Rege imperatum
 e fuit) omnes eius perniciosissima coniurationis socios,
 e satellites, ministros, adiutores, ut Maiestatis Regia
 e hostes infestissimos ferro, igniq₃ persecuturum: ne-
 e que ante persequendi finem facturum, quã illi qui
 e hoc nouo, inaudito, inextinguibili parricidio, cuncta pol-
 e luerint, & se tam insanis scelerum fluctibus obrui-
 e sent, meritis Deo Regique pœnas, debitasq₃ per-
 e soluerint.

Hac dum dixisset, etsi multi de rerum euentu
 magnoperè solliciti, & qua angore conscientia, qua
 flagitiorum suorum recordatione conuicti, cohorrui-
 sent: tamen plerique omnes huic orationi grauitè
 infensi, ita intimis exarserant sensibus, ut facialem
 protinus clamoribus undiq₃ infestis, maledictisq₃
 e conscinderent. Nonnulli eum proditorem esse voci-
 e ferarunt, non à Rege missum sed à Nobilibus in-
 e structum, & subornatum, qui illos in fraudem im-
 e pulsos, verborum blandimentis atq₃ delitijs consopi-
 e ret, quò facilius veluti conniuentes, incauti, & nihil
 e triste formidantes, opprimerentur. Alij veniam illã
 e ad speciem quidem præclaram, magnificam videri,
 sed

sed reuera exitiosam tandem, & lugubrem futu-
ram, utpote quæ nihil aliud esset, nisi DOLIOS-
LVM CAPISTRIS REFERTVM. Tunicam
autem illam pictam, atroq; distinctam & illustrem,
neutiquam esse fecialia insignia, sed quiddam ex
Papisticis consutum ornamenti. Multa præterea
in illum (pestilenti vecordia turbidi atque precipi-
tes) rabide furioseque coniecerunt, dum quaquaue-
rus cuncti acerrimis in eum vocibus, & mortem re-
dolentibus, virus acerbitalis sue profunderent. Ni-
hilominus fecialis illinc cum Ketto digressus, alio in
loco eadem quæ ibidem promulgasset, cetera plebi,
(namq; antea præ multitudine omnes audire nequi-
erant) proponit.

Accidit autem ut prius quàm orationi finem im-
posuisset, scelestissimus puer nates flagitiosissime de-
nudaret: facto insuper foedissimo, addita sunt verba
foediora. Quia indignitate quidam permotus (nam
cis flumen erant ex nostris aliquot, qui eò specula-
tum venerant) puero fistula glande plumbæ suprâ
renes, plagam repètè mortiferam infixis. Quod cõ-
iurati cum conspexissent, equites duodecim de syl-
ua furiosissime conclamantes decurrerunt: Cir-
cumuenimur ô socij nisi prouideritis, circumueni-
mur. Nonne videtis commilitones nostros coram
trucidari? ac tormentis transuci? Quid speremus
sparsi & inermes, cum etiam iam, armatis vis
inferatur? Enimuero fecialem nihil aliud cona-
ri, nisi ut cuncti insidijs circumclusi debilitatiquè,
à no-

6 à nobilibus contrucidemur. Hac cū dixisset, dissipati
 6 omnes, ac veluti repentino furore conciti diffugerunt.
 6

Attamen Kettus feciali se adiunxit, eratq; illi in
 animo Varuicensem coram affari: iamque collem
 penè Sturtelhensem descenderant, cum ingens sedi-
 tiosorum caterva clamoribus insecuta, ad unū om-
 nes vociferari cœperunt. Quonam iret rogantes? se-
 paratos omnem (quamvis vel acerbissimam) cum illo
 fortunam subire. Quin si longius progredi perexisset,
 habituros illos itiniris etiam comites, ac vita necisq;
 participes. Fecialis cum à tergo tantam hominū con-
 sectatū vim vidisset, Kettum rogabat uti hos cō-
 cursus ac tumultus sedatum retrò concederet. Qui
 cū ad suos se retulisset, protinus conticuerunt, cun-
 ctique cum illo ad castra reuerterunt.

At Varuicensis cū uniuersos fūrore quodam, &
 caco veluti mentis impetu ad interitum precipites
 ferri animaduertisset, neque ullis aut precibus aut
 pollicitationibus, neque porrò supplicij denunciatione
 permoueri: uti à tam fœdo incepto absterent, pacis
 spem (rem tam a se, quàm ab alijs sapius frustra tē-
 tatam) in æternum sibi dimittendam putauit, & tã-
 dem de bello agendum. Itaq; confestim ad portas di-
 ui Stephani exercitum ducit, (quas catractis di-
 missis, perduelles occluserant) iussitque magistros
 liberatorum regios, ita bombardas pro portis locare,
 ut ijs deturbatis, atque tormentorum impetu refra-
 ctis, multi in urbē aditus præstrueretur. Quæ dum
 fierent,

fierent, ab Augustino Suardo propretore intelligit, ianuam esse auersam (uam vulgo aneam appellat) hanc ab illis maximis defixis trabibus, iisque terra lapidibusq³ repletis munitam, nihilominus nullo negotio distrahi atque perrumpi posse. Munitores accersantur, ijs imperatum vii refringant. Effracta porta, per patentem eam nostri primus in Urbem ingressi, multis interfectis, hostem eo loco facillimè submouerunt. Iamque tormentariorum praefectus, cataractis disclusis, atque disruptis, dimidiam ferè portae partem, frequenti tormetorum ictu quassatam disiecerat, cum Northamptoniensis, et Drurii quidam (perspecta fortunae vir) cum cohortibus suis, illac in urbem inuolantes, Kettianos istinc quoque multo inflicto vulnere, multisque trucidatis è vestigio depulerint. Ex altera item parte Urbis, Propraetor perfecit, uti portae Vestuicenses aperirentur, quibus reclusis patefactisq³, Varuicensis omni cum exercitu intromissus, resistente pene nullo, in forum peruenit. Ibi sexaginta ferè hostium deprehensi, in quos confestim militari more animaduersum est. Indicta enim causa, omnes protinus (ut in bello fieri consuevit) manifesti sceleris conuicti, ultimo supplicio afficiebantur,

Ac non ita multò post, vehicula ac impedimenta omnia, quae propter tum subuersionum difficultates, tum frequentes, ac repentinas hostium incursiones, aliter importari nequirent, per illam quoque portam in oppidum introducuntur. Sed accidit (ut fit) calo-

nium

num temeritate & inscitia, dum nostri granioribus negotijs implicarentur, uti ad portam Episcopalem Monsholdiam versus, urbe excederent. Quod ex seditiosis quidam conspicati, missis qui auersos calones adoriretur, nostros impedimentis omnibus exuerunt. Qui ex hoc incredibiliter gavisī (nam antea ab istiusmodi rebus imparatissimi fuerant) carros tormētis, ac pulvere sulphureo, omniq; militari instrumento onustos, in castra perduxerunt. Sed peropportunè cum cohorte sua Drurius interuenit: qui (neq; tamē omninò sine militum iactura) vehicula quadam ab hoste recuperavit.

Deinde perduellos hoc consilij cœperunt, ut in transuersis platearum diuerticulis, cateruatim ex insidijs subsisterent: rati nostros incautos, & viarum insuetos, propter tum locorum insolentiam, tum urbis magnitudinem, celeriter confici posse. Quamobrem vicatim distributi, pars ad diui (quem vocant) Michaelis, pars ad Simonis, alij ad Petri, nonnulli ad Vmaerensem vicum, parati omnes ad praelium, instructiq; constiterunt. Ibi nostros nec opinātes adorti, tres vel quatuor generosos, prius quàm quispiā subsidio venire posset, crudelissime interemerunt. Re comperta, & in forum diuulgata, Varuicensis omni cum exercitu ad hostem submouendū proficiscitur. Cum per plateā (quā vulgò Ioannis vocant) ad tēplū diui Andree peruenissent, hostes de improviso magnam sagittarum vim atque procellam in nostros effuderunt. Sed sagittantibus illis, & terram cælo miscere

scere conantibus, denuò cum sclopetarijs suis, summa pernicitatis atq; peritiae inuenibus, derepentè infert se Druryus tantamq; vicissim tormentorum tempestatem (grandinis ritu) refundit, puncto vti temporis trepidates omnes in fugam impulerit. Circiter centum & triginta interfecti: mulique dum in cœmiteria & sub muros correperunt comprehensi, & acerbissimo supplicio affecti sunt. Cetera omnis colluies ad castra Mousholdica, velut in sentinam refluxit. Quibus exhaustis, ciuitas (quod tantâ pestem euomisset forasq; proiecisset) recreari tandem, & magnoperè releuari videbatur.

Seditiosis itaque hunc in modum reiectis urbemq; depulsis, Varuicensis quò oppidum communitus fieret, muros militibus, rebusq; ad hostem repellendû idoneis instruxit: iussitq; vti protinus cunctis in vijs armati collocarentur, omnesq; aditus in urbem portaque (extra unam aut alteram) obstruerentur. Namque per illas nostri magnam tormentorum multitudinem deuexerunt, quæ parata inibi stabant & instructa, quò postridè Mousholdiam deportarentur. Sedenim Kettiani rati nostros magna pulueris sulphurei, ceterarumq; rerum omnium quibus tormenta exerceri solent penuria laborare, videntesq; insuper ad impedimenta & vehicula stare è nostris quosdam, raros, ac ad subitos belli euentus minus bene intentos: (quos immani efferata mentis rabie furentes, tum propter paucitatem, tum quia incautos & nihil talisimientes, perfacile se oppressuros arbutabatur mag-

T

nopere

nopere desſpexerunt) oblatam ſibi magnam rei bene gerende facultatem exiſtimârunt. Itaque dum Varuicenſes, quâ ab urbis defenſione, quâ à cæteris rebus diſtentiffimi, maioribus curis impedirentur, Milo quidam, vir (ut videbatur) audaciſſimus, & pilarum eiacularandarum peritiſſimus oportunitatem eius facinoris, tempusquæ diligenter aucupans, Præfectum libratorum Regiû tormenti glande tranſfixit. Quem illi exanimem conſpicati, pars nudi & inermes, pars baculis, clavis, ac bidentibus inſtructi, phanatico veluti curſu inſtincti, de colle in noſtros impetum fecerunt. Ne primam quidem impreſſionis procellam tulerant noſtri (tantus omni ex parte terror fuit, & tam necopinata hoſtium vis) ſed inconditis ululatibus & ſtrepitu horriſono obſtupefacti, perterritiq; (impedimentiſ omnibus carrisq; reſiſtis atque deſertis) magno cum clamore curſuq; undiq; fuga ſe mandarunt. A pluribus itaque paucis hunc in modum diſpuliſ atq; fugatiſ, ſeditioſi tormenta quadam qua inibi deprehenderunt, carruſque cunctis rebus qua bello uſui forent onuſtos (priuſquam auxilio à noſtris veniri poſſet) in caſtra compoſtarunt. Quæ ſanè reſ peraduſa noſtris & incommoda fuit. Nam præterquam quod inſtrumenti militariſ quo ſe hoſtiſ inſtruxit poſtea indiguerint: Kettiani libratores, pilis ferreiſ, quæ bombardis, & tormentis qua ceperunt, in noſtros creberrime inſenſiſſimaque torquebantur, urbem vehementer effluere. Multiſque interfectis, tormentorumque

torumque rabie laceratis, atque discerptis, hoc insuper addidit sceleris & nequitia, magnam uti muri partem, turrimque qua in summo Episcopalis porta, constiterat, furiosissime deturbarent. Quamquam certe (diuini numinis clementia) ea tum populi Noruicensis fortuna fuit, ut circumuolitantes tormentorum pila, siue casu, siue consilio, siue (quod magis reor) collibrantium (ut interdum accidit) temeritate, & inscitia altius emissa, domuum tecta sine damno prateruolauerint. Quares utique nisi contigisset, ab impurissimis latronibus, deterrimisque, continenti tormentorum impetu adificijs undique dissectis atque deterfis, maxima urbis partes, leui momento cōstrata equataque solo concidissent. Atqui equidem proculdubio detrimentum opinione omnium maius publicis rebus eo die importatum fuisset, si Druryus, virtute sua, & haud contemnenda militum strage, hoc incommodo expiato, hostibus profligatis atque repulsis, maximam eorum qua tūc auerterunt, partem non praeuississet.

Varuicensis post hac, quarundam portarum ingressibus concisis, atque aggere obseptis, in pontibus & vicorum flexionibus, ac diuerticulis, diuersa suorum praesidia disponit, magnamque armatorum manum ad portam Episcopalem constituit, cui Dominum Wyloughbaum praefecit: sicque omnia milite circumsepsit, atque munivit, ut ea nocte hosti introitum in urbem, undique praeclusit.

T.ij.

Postero

Postero tamen die, seditiosi flumen transgressi, circa locum quendam quem *Connsforth* appellant, incendio terribili, & ad aspectum sanè perlugubri cuncta permiscent. Nam omnibus duarum parœciarum ædificijs exustis, ignis ita latè se diffudit, ut vicina pleraq; loca horribili flâma comprehenderet. Domus erat quadam in qua Mercatores *Norwicenses*, ea que *Tarmoutho* deuenissent, deponere consueverunt: huic ignis illatus, quo momento temporis domus ipsa, unaq; maximus frumenti numerus, multaq; honestissimorum negotiatorum fortuna concremata, deflagraverunt.

Fama est (neque absonum fidei videtur) decreuisse illos totam urbem incendio delere: atque eo consilio quibusdam tectis ignem iniecisse, quò videlicet universi ad ardentes domus discurrentes, seditiosi eodem temporis puncto, portis omnibus nundantes, nostros dissipatos, & mutuo interclusos auxilio, hinc flamma, illinc ferro constringerent. Id prudenter animaduersum, & hostium conatus fefellit, & nostros eam in sententiam adduxit, ut ignem passim per recta populabunda velocitate grassantem, vagari sicerent, neque orientem eam quamprimum restinguere-

Veruntamen cum nostris ista hunc in modum omni ex parte infœliciter accidissent, calamitates alias super alias perpetuò accumulante fortuna, multorum animos ingens stupor ac mœstitia defixit, adeò ut desperatione ac timore languescerent (deficiente iam

ad omnia consilio) penè succumberent. Hy Varui-
 censem adeunt , demonstrant urbem esse magnam ,
 portas omnes aut fractas , aut exustas , summam pro-
 pugnantium paucitatem , hostium verò copias ingen-
 tes , defendi non posse , rogant enixè uti saluti consulat ,
 civitatem relinquat , nene rem in summum discrimen
 deduci sinat. Varuicensis (ut erat corde semper excelso
 sanè , & inuicto , sum acer , & vehemens in ferro vir ,
 omni q̃ insolens infamie) Quin igitur (inquit) tam ci-
 tò animis concidistis ? Tantane derepente offusa menti
 caligo , virtutis aciem perstrinxit , ut hoc aut vos ve-
 litis , aut me viuo fieri posse arbitremini ? Ego ut urbē
 relinquam ? prius ferrum , prius flamma , prius deniq̃
 omnia , quàm tantam mihi , vobisue ignominia aut de-
 decoris labem asperserim.

His dictis , gladium distrinxit , fecere idem & ce-
 teri nobiles (aderant enim frequentissimi) iussit q̃ , uti
 alter alterius ensi (militari more in maximis pericu-
 lis interdum hoc fieri consuevit) osculū & sacra cru-
 cis signum imprimerent , & iureiurando , sancto q̃ fœ-
 dere cōceptis verbis uniuersi se deuincirent , non pri-
 us istinc discessuros , quàm aut hostem funditus pro-
 fligauissent , aut vitam pro Regia maiestate dimican-
 tes fortiter profudissent.

Dum hæc fierent , seditiosi alia ex parte oppidi ,
 qua nostri illos minimè ingressuros rebantur , in urbē
 perrumpunt. Sed cū iam penè ad pontes peruenissent
 à nostris celeriter occursum est , multisq̃ cadibus vul-
 neribusq̃ repulsi , fuga quā intrarant præcipites

se effundunt. At Varnicensis, quò hanc hosti urbis
adeunda potestatem penitus præriperet, iussit omnes
pontes quaquaversus intersecundi. Postea verò qui-
busdam de causis secus imperatum: isq³, tantum qui
vulgò Carmelitarum dicitur interruptus: cæteris
omnibus perstreñui milites presidio impositi, cuncta-
que loca, & præcipuè porta, quod illa maxima ex parte
omnes, aut prostrate concidissent, aut incensa defla-
grassent, hominibus impigerrimis, & in militari re
exercitatissimis, tuenda ad quosvis repentinos casus
transdite. Vnde adeò factum est, ut impronisi, atque
nocturni hostiù impetus, (omnes omnium) cassi & ina-
nes exstiterint.

Postridiè eius diei (is fuit. ad. VII. Kalen. Septem.
Heluetiorum mille quadraginta peracres (ut vulgus
hominù existimabat) bellatores & egregij, Londino ad
Varnicēsē venire. Hy latis acclamationibus à nostris
suscepti sunt, qui multis tormentorù bombis gaudium
atq³, alacritatē significarunt suam. Demum per vicos
domusq³ diuisi, & a ciuibus perliberaliter perq³ benig-
nè accepti inuitatiq³, ut nostrorù animos exsultantes,
& rei bene gerenda fidacia subnixos ad certā spē ere-
xerūt, sic hostium mentes, noua iam confusas formidi-
ne, consternatasq³, ad hand dubiam futuri interitus
cogitationem depresserunt. Interea verò seditiosi, nihil
aliud nisi bonorù omniù sanguinē exsorbere cupientes
(cuius iam spē aliquā avidissimis animis imbiberāt) in
eorem totam verti existimarunt, si Varnicensis copia
primo quoquo tempore profligarentur. Et certè sicut

Deum

Deum optimum maximum deseruerunt, sic ab illo spreto vicissim, abiectisq; Diabolo sese constringendos dederunt. Hic anili superstitione mentes imbuerat, perfecitque uti cecis ariolorum ineptijs impliciti, vicinam quandam conuallem veluti huic fatalem bello deligerent.

Quaquam equidem (sicuti memoria proditum est) non defuere portenta, & manifesta diuini furoris indicia. Namq; anguis ex columna lignea in gremium uxoris Ketti dilapsus, non tam multorum pectora terribili pauore perculerat, quam Kettum ipsum anxys impleuerat curis. Sed hic forsitan operapretium erit referre, quam futili opinionis errore inflati, sese ad extiosa deuoluerint, cum quæ reuera iram & vindictam, (uti videbatur) diuinum portenderunt, vaci cordi feritate atque pertinacia tumentes, vniuersi neglexerint. Tantam certè noctem humana menti Diabolus offundere consuevit, quoties eam scelero demersam conspexerit. Etenim cum multa essent vaticinationum deliramenta in vulgus relata, ex quibus nescio quam victoriola spem exsuxerant: inconditos tamen quosdam & insulsos versus (stulta animorum truculentia indices) præ ceteris omnibus amplexi sunt. Qui cum crebris quotidie sermonibus usurparentur (falsi siquidè vates singulis panè mortis huiusmodi ineptias auribus suis instillarunt) res erat exempli post natos homines planè inauditi, quæq; omnè exsuperet fidem, quemadmodum ad eorum men-

tionem furibundos sensus incitarint animadvertere:
tum quanta & quàm mani latitia gèstierint, intueri.
Perindè ac si illis unis versibus certa sibi salus & vi-
ctoria, nostris autem interitum, & miserabiles fortu-
narum omnium ruina portenderentur.

Hy autem erant istiusmodi :

The country gnooffes, Hob, Dick, and Hick, with clubs and
clouted hoon,
Shall fil up Duffyn dale with slaughtered bodies
soone.

*Quos nos (ut potuimus) Latino sermone expressimus,
Rustica plebs clavis, & agresti induta perone,
Duffoni vallem miseranda strage replebunt.*

*Hy cum quotidie & (ut supra dictum est) ubique
decantarentur, sceleratissimorum hominum menti-
bus, id veneni Daemon infudit, ut ambiguo falsi, for-
tuna loci, spes suas delegare decreverint. Itaque om-
nibus scelerum suorum latibulis atq; speluncis (quas
passim ex ligno ipsimet sibi construxerant) incensis
(adeo ut fumus è tot simul distantibus locis ortus, to-
ti penè cælo veluti nocte induceret, subiectasq; plani-
ties atra caligine integeret) inde in vallem Duffonē-
sem cum vexillis, ac signis militaribus viginti per-
rexerunt. Tanta erat seditionum prada spe impuni-
tateq; allecta multitudo. Ibi omnia conari, atque
moliri cœperunt, quò nostris aditum, & negotij con-
ficiendi spem adimerent : adeo ut momento temporis
vallo, aggere, munimentisq; se circumsepserint, fessas,
vijs transversas perduxerint, itineraq; omnia
rudibus*

suâibus stipitibusque in terram defixis intercluserunt.

Hac cum Varuicensis intellexisset, statuit & ipse quoque belli fortunam periclitari, ut quos lenitate ac patientia frangere non potuerit, eos vi & armis superaret. Insequenti itaque die (is fuit ad VI. Kalend. Septemb.) instructo exercitu per portam Costliniensem contra hostem iter ingreditur. Adiunxerunt se comiti Marchio Northamptonensis, Wylloughbavi, Poysius, Brayus, Ambrosius Dudleyus Varuicensis filius, et præterea nobilium, ac fortissimorum virorum cohortes lectissima.

Prius tamen quam in hostium conspectum veniretur, Edmundum Knyuetum, & Thomam Palmerium, equites ex aula perillustres, atque alteros totidem sciscitatum dimittit, vellent ne nunc demum furores deponere suos, & sceleris, crudelitatis, perfidiae, belli denique contra patriam faciendi consilia abijcere. Tantam esse nimirum & tam incredibilem bonitatis atque clementiae Regiae magnitudinem, ut quamvis impietate penè indelebili maiestatem ipsius, dignitatemque polluisent, seseque sempiternis turpitudinum notis maculisque conspersissent, admissorum nihilo tamen secius facinorum veniam pacemque semel iterum cunctis (vno aut altero excepto) denuntiari iusserit: dummodo ex hoc cursu malignitatis atque nequitiae iter iam tandem (pœnitentia ducti) ad obsequium tranquillitatemque conuerterint. Sin vero in amentia peruerse, atque impie persistere decreuissent,

T.v. extre-

extremaque omnia experiri, nunc demum adesse sci-
rent, male sana lenitatis atque perfidia poenas sua:
ipsumq; Varuicensem, quanquam serum, certum ta-
men, tam nefandæ coniurationis undicem. His hoc
vnum, idq; ferocissime ab omnibus responsum: S B.
N O L L B.

Quibus ad Varuicensem relatis, non longiori ora-
« tione milites peracri iam pugna desiderio deflagran-
« tes, cohortatus est, quam uti fortiter hostem invade-
« rent, nè perturbarentur animo, sed eam quam con-
« spicerent seditiosorum multitudinem, non homines,
« sed feras omni diritate præditas existimarent. Nec
« se ad pugnam, sed ad poenam venisse arbitrarentur,
« eam confestim à flagitiosissimis latronibus deposce-
« rent, pestem patriæ, pietatis atque officij stragem, bel-
« luas denique truculentissimas, maiestatiq; regia fe-
« ritate insanabili reluctantes, prosternerent, afflige-
« rent delerent. His dictis, quia non longius hostes a-
« berant, quàm quò glans è tormento propelli posset, præ-
« lii committendi signum dat. At Kettiani nostros con-
« tra se venientes conspicati, suos ita instruxerunt, om-
« nes uti nobiles quos damnatorum more catenatos, du-
« rissimisq; vinctos compedibus secum duxerant in pri-
« ma acie locarint. Id eo consilio factum, quò nostri à
« nostris interficerentur. Sed Dei immortalis numine
« & incredibili militum virtute contigit, ut (secus
« quàm hostes volebant) omnes panè incolumes euase-
« rint. Milo siquidem (hunc modò Kettianum libra-
« torem esse diximus, arti que tormentaria scientif-
« sumum))

simum) ferrea pila, regio vexillifero fœmur percussit : quæ per equi humerum, quo is vectus fortè incedebat, altius adaucta, ipsum quoque equum, eodem vulnere transuerberavit. Id nostri indignè ferentes, displois vicissim tormentis, horribiliquè pilarum procella in hostes effusa, ordines perrumpunt. Quibus continuo impulsis, atque perturbatis omnes nobiles qui in prima fronte constiterunt, fugientes belli tempestatem deuiderunt. Etenim nostri equites, postquam hostes crebris tormentorum, sclopetorumquè traiectionibus dispulsos, fugatosquè conspexerunt, subito omnibus copiis prouolârunt, impetumquè in illos fecerunt, quem tantum afuit illi uti sustinuerint, pecorum ut instar, promiscuè, citato cursu, cuncti precipites in fugam proruerint. Caterum cum ex insequentium strepitu, atque clamore, in ultima iam perfidia obstinatione, feroces ac praferuida mentes, tacitas nescio quas odii atque doloris flammæ corripuissent : (velut fera) ex desperatione & scelerum memoria, in rabiem versi, è fuga se repentè conuertentes exitiabili pernicacia, nostris aliquandiu restiterunt. Veruntamen tanta fuit pilarum vis, tantusquè nostrorum hominum (qui victoriæ perauidi effrenatiùs in aciem hostium perruperant) irruentium ardor, ut Kettiana cohortes undique acri impetu pulsa, protritaquè, nullo panè negotio loco pellerentur. Itaque Kettius, uti dux in scelere strenuus, ita Imperator in bello ignauus, ubi

ubi aduersa omnia vidisset, ordines interrumpi, suos disyci, nostros infestos inferri, neque salutis, neque praesidij ullam spem, animo varius, & immanium facinorum conscientia exestuans, fuga se mandans, clam suis pugna excessit.

Ea res utique postquam cognitum est, ducem è pralio profugisse, incredibiliter hosti animos minuit, tantumque breui temporis momento perfecit, uti omnis ille ardens nuper, ac vehemens repugnandi feruor, protinus ad tam necopinata fuga famam elanguescens refrigerit. Quamobrèm primum murmur, & tacitæ querela, post clamor, ad extremum verò undiq; fuga fieri coëpta. Effusos nostri equites perceleriter infecuti, stragem ingentem dederunt. Namq; ad tria millia quingenta cæsi, & sauciorum magnus numerus, cum omni ex parte dissipati, aut vulnerarētur, aut trucidarentur. Quod quidā è seditiosis animaduertentes, sublata omni prorsus, uti rebantur, venia spe, efferatos iā multis immanibus factis animos, ad maiora inuicem in ea desperatione salutis scelera exacuerunt. Itaque peruicaci audacia confestim è fuga se recipientes, pralium redintegrare decreuerunt: pradicantes, male se fortiter dimicantes occumbere, quàm fugientes (pecudum ritu) contrucidari. Porro ubi se telis, alijsque rebus (quæ humi passim inter acernos casorum corporū strata iacebant) instruxissent, et verua, sudes stipetesq; præacutas solo infixissent, fidem astrinxere, aut illic se vitam viriliter proiecturos, aut victoria demum compotes futuros. Itaque cum alter alteri pro

propinassent (ominis id erat instar, & signum animarum morti deuotarum) precibus votisque solenni more susceptis, ad pugnam se confirmant.

Varuicensis re intellecta, facialem mittit, monet uti arma deponant, impune fore si fecerint, secus omnes ad unum interituros. Respondent perlibenter se ab armis discessuros, si scirent illam impunitatem sibi salutarem futuram, sed animaduertere in sua societatis homines undique, sequiri, id adeo indicio esse, mentionem hanc venia à nobilibus insidiosissime inductam, nimirum quò falsa & perinani clementia spe (veluti laqueis) circumretiti tandem atque deuincti, ad cruciatum omnes, & eadem constringerentur. Et reuera quicquid illi prae se ferant, scire se tamen perque belle intelligere, veniam eam nihil aliud esse, quam DOLIOLVM RESTIBVS & CAPISTRIS REFERTVM. Proin mori decreuisse.

His relatis, Varuicensis ingemuisse dicitur turbe iam iam peritura, atque commiseratione ductus, denudum misisse qui sciscitarentur: Num si ipse veniret, & coram fidem obligaret suam, arma abiecturi forent. Cōclamant omnes, id si fecerit, fidem habituros, & regis se arbitrio, potestatiq; permissuros.

Nec mora: Varuicensis protinus ad illos pergit: facialem publicè litteras regias legere iubet, quibus recitatis (quòd ea veniam omnibus persanctè polliceretur) ijs confisi, arma abijciunt, cunctiq; uno veluti ore gratulabundi exclamant. VIVAT EDOVARDVS REX. VIVAT EDOVARDVS REX.

Atque

Atque ita multi mortales, velut è fati faucibus erepti, *Varuicensis* prudentia ac misericordia conseruati sunt. Cōfecto pralio, prada omnis eodem die militi permissa, atque *Nornici* publicè in foro diuendita.

Illud insuper memoria proditum est, nobiles complures, ac primores etiam aliquot ciuitatis, in ipso tumultu & ardore pugna transfossos, etsi ingentem pecuniam magnaque munera militibus dedissent, quò suæ vitæ, incolumitatiq; prospiceretur.

Postero die quorundam hominum nuntijs ad *Varuicensem* perfertur, Kettum dum equus labore languescens fortè (ut fit) itineri succubisset, fuga perterritus in horreum correpsisse. Illuc à duobus seruulis cuiusdam *Richesi* de *Swannington* comprehensum, domumque illius deductum asseruari. Missi, protinus equites viginti, qui illum ibidem in sordibus, lamentis luctuq; iacentem offendentes, ex sanguinem tu, ac vitæ diffidentem, desperantemque suæ, vinctum *Nornicum* pertraxerunt.

Eodem die indicia exerceri cœpta, quæstionesque de ijs qui coniurassent habitæ in castello, multique mortales patibulis suffixi, acerbissimo cruciati supplicio, necatiquè fuere. Dein nouem qui eius tumultus antesignani & principes extiterunt, de *Reformatoria Quercu* suspensi: complures item eorum affines facinorum in crucem sublati: ijs (incisa protinus resti) in terram dilapsis (sunt hæc apud nostrates proditorum supplicia) abscissa primam quæ procreandi causa affinxit natura, tum viscera

viscus extracta, & in ignem iniecta, caput amputatū, idque fixum in pilo, & in turris fastigio defixum, reliquum corpus in quattuor partes laceratum atq; dissectum, eaq; totidem in locis sparsa, atque ad terrerem omnibus proposita.

Verum enimvero agrestibus hunc in modum delictis permulti nobiles iracundia & ulciscendi studio vehementius incitati, animum Varuicensis ad crudelitatem incendere conabantur. Qui non paucorum poena contenti, volebant omnem penitus stirpem sceleratam excindi: adeoq; acres in co fuerūt, & peracerbi, uti Varuicensem coegerint palam ad illos hac oratione uti. Adhibendum esse modum: cum ne foris in puniendo excederent, in primis cauendum. Scire se maleficia eiusmodi acerrimè vindicari debere, & atrocissimo supplicio constringi. Sed quousque progredierentur? ecquid semper sese implacabiles inexpiabilesq; praberent? nullum deprecationi, nullum veniam, nullum misericordia locum relinquerent? An essent & ipsi agricola futuri, & terram aratris perstricturi? Hac oratio vindicta cupiditatem magnoperè sedauit, perfecitque ut multi qui antea ad immanitatem toti exarserant, postea tamen aduersus miseram plebeculam longè humaniores existerint. Sub noctē trucidatorū cadavera sepulta sūt, ne ex tabe corporum, lues morbiue progignerentur.

Postridie eius diei (inciderat is dies in ante diem IIII. Kalendas Septemb.) praeclarissimus, ac in summa sapientia & fortitudine illustrissimus princeps

ceps *Varuicensis*, unà cum ceteris omnibus nobilibus ingentique non virorum modo, sed etiam foeminarum omnium generum, etatum ordinum turba, templum diui *Petri* ingressus est: ibique Deo optimo maximo gratia acta, & ob rem peregre gestam supplicationes habuit. Quibus peractis, cum omni comitatu urbe excessit.

At ciues superfundenti se letitia, uno consensu omnes *Varuicensem* in cœlum laudibus efferre, de illo omnia bona predicare, plausibus, iularitatibus, gratulationibus, implere, miscereq; omnia, magnificenissimisq; verbis tãtâ ducis famâ, tantæ virtutis memoriâ concelebrare, vitam suam, coniugum, liberorûque animas, fortunas denique uniuersas, illius duntaxat prudentia, fœlicitati, fortitudini acceptas referre. Statuerunt præterea, ad notam, & ignominiam illorum temporum sempiternam, vii eo ipso quo hostes fuissent die, cuncti templa adirent: ibique preces à sacrorum ministris solenni instaurate ritu, quotannis celebrarentur. Quibus de more susceptis, decreuerunt insuper concionem in publica fieri, ad quam uniuersi conuenirent. Quæ consuetudo ex huiusmodi introducta principio, etiam ad hæc quoque tempora permansit.

Sedenim horum omnium scelerum signifer *Kettus*, *Londinum* unà cum *Gulielmo Ketto*, homine plurimis flagitiorum turpitudinibus infami, fratrique suo, (non tam sanguinis communionem, quàm morum importunitate, & perditissimis vitæ rationibus coniuncto)


importunitate, & perditissimis vite rationibus coniuncto) pertractus est: atque in turrim Londinensem coniectus.

Interiectis autem aliquot diebus, etsi manifestæ perduellionis convicti, & omnium iudicys ignominisq; conscissi, flagitiorum suorum conscientia conciderent, tamen ad Iudicum subsellia traducti, more maiorum quæstio de ijs habita est. Condemnati ducuntur Noruicū alter, alter Windamiam, ubi de utrisq; supplicium sumptum fuit. Etenim Roberto Ketto Noruici in castello catena iniecta sunt, collumq; in laqueum insertum, atq; ita de terra vivus in crucem sublatum, ad diuturnam tanti sceleris memoriam pendit: donec infelix & triste cadauer, turpi tandem dilapsum tabo defluxisset. Gulielmus autem Ket-
tus, Wyndamie undè omnes illi furores velut à fonte redundarunt (namq; inibi ambo habitauerūt) consimili mortis genere excruciatum interijt.

Atq; hunc in modum civitas, omnisq; regio Norfolciensis (cum ad sexaginta ferè dies, hæc impura & mortifera perfidia pestis ad multorum perniciem & interitum pervagata, cuncta lamentabili clade concussisset) Dei tandem optimi maximi benignitate, & Varuicensis præcellentissimi principis admirabili virtute, hoc tam funesto ac lugubri perfuncta tumultu, conquieuit.

FINIS.

V.



Al. Ne. T. D.
S. P.

Quisquis in expletum seros decurrere in annos
Ardet, honorato nomen sumpturus ab ore,
Ille Neuylleo splendet Apolline: quisquis
Sons animi, probitatis inops, & degener altæ
Virtutis, nocuis audax occalluit ausis,
Quique miser meruit laniantis dentibus æui
Rodier, innumeris populataque nomina linguis
Linquere, longæ nec se subducere labi:
Ille Neuylleo calamo vilescat: utroque est
Par: culpæ malos, dignos aut tollere laude.

Tu mihi, tu teneris, ita note, Neuylle, sub annis,
Te melos, & pulchræ iuuenilis gloria linguæ,
Te studium semper flagrans, te nobilis ardor,
Et decorauerunt cœlestis sensa cerebri.

Ac velut emolita foco bona cera calenti
Antea formarumq; atque omnis imaginis exors,
Quaslibet admittit facies, & protinus omnes
Fingitur in vultus, rerumq; capacior existat:
Sic in multiplices fandi decor inclytus vsus
Flectitur ille tuus, diuiniq; ætheris haustus
Quodlibet audendi fœlix, sacer impetus omnes.
Quos velit egregios fluit obsequiosus in actus.

Certe ego, de docto potatus plurima fonte,
Quiq; hederas potui fronti vinxisse sequaces,
Offusus meliore deo: te dispare canna
Tentabam, pronumque tuæ me cedere Musæ
Sæpè quidem solitum non vllus, amice, negabo.

Quantus eras tum, cum memori quamplurima sensu

Euit in medium: vel cū centena profatu
Extudit illustri tua mens diuinior arte?
Quantus eras vel cū fluuiorum lenē labantūm
Instar ijt sermo? vel cum neruosior esset
Intentanda acies, & acuti cordis acumen?
Quantus cum tumidis certabas rhetore rostris
Grandia fulmineo iaculatus verba rotatu?
Quantus, quantus eras semper cum maximus ille
Eltingendus erat Cicero, vestigia pressis
Cum signanda notis? dij, dij quam plurimus vsque
Egregias laudes, famæ & decora alta tulisti?
Non tu nullus eras, nec eras non maximus inter
Pernassi proceres, & amœni fontis alumnos.

Quin ego qui poteram varias fulgere per oras,
Inscribique polo meritis, & diuite cantu
Frangebat fatisque malis: hominumque nocenti
Inuidia, rebus latè spoliabar & omne
Viluit in lites studium, vitamque leuandam.
Me malus exedit liuor, me inscitia lucri,
Me dolus, amissis dubijque in rebus amici
Fortuna pepulere bona: spissique cerebri
Fex hominum fausto vitæ de tramite trusit.

Heu nihil inuita fas quenquam posse crumena
Nunc patrare boni: nunc, nunc obiere patroni
Non *Cauponantes* doctorum præmia, *Musæ*,
Musæ inhonoratæ languent, squallentque, gemuntque,
Inspidus gliscit numerus: *Nummo* geritur res.

O animæ pars grata meæ generose Neuylle
Diuis orte bonis, cui corpora viuida virtus,
Frontis bellus honos, & amicæ mentis honestas.
Quæque deos statuunt: siquid mea carmina possunt
Semper in innumeros victure Neuylle decores.
Ecquid & infestis iactatus quando procellis
Hæc mecum documenta refers? solersuè tacendi
Defugis incuruos hominum reprehendere mores.

Tu: quodque non paucis iam dudum quasse periculis
Pondere nutasti grandire præsulis Aula
Excipit hospitij, sed sic vt dicere velles

Nordonicum populurn, mitrasq; stolasq; patresq;,
Qui peda gestarunt illic, ita pluribus ille
Mœcenas voluit vester, quia paruulus inde
Creuerat, & ditem scandeat fortè Cathedram.
Sic tu tam lautus rerum memorator herili
Imperio, modicamq; urbem, modicumq; Senatum
Ingenti premis ore: seges tibi creuit ab illo
Id populus curet potius, tradantq; parentes
Obscure gnatis, & musset quisque viritum
Ingenijs apta est hæc arca turpiter hyrtis
Dicere quot patres, quot segnis quisque sedebat
Lustra patrum, quota scita dabant, fatuoque popello
Addiderant ritus, vel quot conuiuia ciues
Secum agitant læti, quibus est authoribus orta
Vrbs: quibus & templum: quæ vix ego stans pede in vno
Dictarem vetulis nisi plus vel patribus ipsis
Vrbs, vel ciue suo magis increbresceret orbi.

Nec tamen his teritur tua laus, aut fama loquendi,
Siue canas culices vox est tua cycnea cantu:
Nec si grandifono pangas regalia plectro,
Id stolidus pendet mundus *Satrapæ* supini,
Sordidulæ gregum patres, ita vergit in æra
Mens hominum, surdaque cupit ditescere fama.

Tu tamen vt non sint pulchræ sua præmia laudi
Macte animis, musisque mica, virtuteque fulge,
Mors ruit, & mundi irreparabilis ætas
Sola viret virtus, & vis maiora patrandi.
Actibus augustis infer te te arduus astris.

Laudatur & alger.





INDEX.

A.

Alderichius. 47. eius prudentia, auctoritas, oratio 47. 48.

Ambrosius Dudleius. 68.

Consiliariorum cura, prudentia, fides. 3. 35. decretum. 35.

Coddi Pratoris cōsiliū 10.

Magnanimitas 11. 21.

40. prudentia 13. 15. 16.

17. 38. 39. oratio 11. 40.

in carcerem conicitur.

45. 41. periculum 46.

Corbetti Sacellum dirutū

14. castra Kettiana 14.

29. multi ciuiū in carcerem coniecti 44.

Civitas Noru. capta 43.

*Caymi nefarij nebulo-
nis interitus* 53.

D.

Diplomata Kettiana 16.

17.

Drurius 79. 81. 82. 83.

Etonensis sylva 11.

F.

Flowerdui prudentia, fortitudo, fides 9.

Fecialis 35. eius oratio 36.

44. 51. 58.

Fecialis à Varnicensi 70.

eius oratio 73.

Flotmanni furor 58. 59.

G.

Gubernatores Kettiani

18.

*Gulielmus Parus Mar-
chio Northamptoniensis*

50. eius profectio 50.

Clementia 58. *Pruden-
tia* 54. *reditus* 62.

Vij.

He-

INDEX

H.

Hetbersetum proficiscū-
tur perduelles 8. ibi qua
patravit 9.
Heluetij 86.

I.

Ignobilium furor Angliā
penē omnē pervasit. 18.
Ignobilium in nobiles o-
dium 31. 33.
Iudicia Kettiana. 49.
Itali cum conuratis con-
fligunt 53.
Italus interficitur. 16.
Ioannes Dudleius comes
Varnicensis 67. eius no-
minis celebritas. 67.
prudentia. 69. 72. For-
titud. 67. 85. 90. 93.
In re gerenda solers cura
70. 72. 78. 83. *Clemen-*
tia. 69. 70. 72. 89.

K. H

Ketti conspiratio, quando,
quo modo inceperit 3.
quā diu duravit ultim.
Ketti princeps furor 7. 36.
Audacia. 9. 16. *Regie*

Maieſt. violatio 16. *Co*
hortationes ſceleſtiſſ. 7.
37. *laſe Maieſta. reus*
pronunciatur 37. *De-*
ſperatio 46.
Ketti inconstantia. 78.
fuga 92. *mors* 96.
Kettiani 7. 8. quibus ſe ra-
tionibus ad ſeditionē in-
flāmarint 4. 10. eorum
ſtultitia 10. 23. 32. 33.
rabies 14. 28. 76. in nos
biles odium 31. 33. Cru-
delitas 14. 17. 25. 27. 28.
19. 30. 32. 53. *Simulata*
ſanctitas 15. 21. *Auda-*
cia 16. *Religionis con-*
tēptus 25. 32. 87. *Nume-*
rus. 18. *Rapina* 12. 19. 27
Forum Iudiciarium 19.
Ebrietas, luxus 21. 29.
Maieſt. Reg. violatio
aperta. 28. *Inconſtātia,*
38. 37. *Postulationes in-*
iquiſſime 11. 40. *Urbem*
inuadunt. 42. *Capiunt*
43. *poſt captam que pa-*
travit 44. 45. *Veni-*
am à R. M. propo-
ſitam

INDEX.

stiam repudiant 35. 36.
 44. *Urbem inuadunt*
 56. 60. *capiunt* 62. *incen-*
dunt 63. *A nostris pro-*
fligatur. 57. 61. *Nostros*
inuadunt. 82. *in fugam*
vertunt 82. *Pugna* 90.
Cades 91. *Fuga* 92. *Fu-*
ror 93.

L.

Ludi ac spectacula Win-
damiæ quantū mali pe-
pererint 6.

Milites Ketti quales 9.
 15.

Moufholdiam Kettiani
contendunt 13. *Castra*
inibi ponunt 13. 14.

Matthæi Parkeri probi-
tas, Prudentia, Fides 20
 21. 22. 23. 24. 25. *concio*
 22. *Pauor* 23.

Moultoni periculum 31.

Nornicensium quidam
Kettianis se coniungūt
 9.

Nornicensium anxietas.

17. *Luctus* 33. 44. 64.
 65. 66. *Pericula* 27. 28.
 29. 33. 38. 39. 40. 43. 44.
 60.

Nobilibus ignobiles in-
fensi 4. 18.

Nobiles comprehensi 28.
Vincti ac in carcerem
conclusi 27. 29. *Truci-*
dati 32. *Emissi è custo-*
dia 39. *denuò in vincu-*
la coniecti 39.

O.

Oratio 69. 85. 90. *Insig-*
nis commiseratio ac pi-
etas 93. 94. 95. *Victo-*
ria 92.

P.

Pueri agrestes 42. *eorum*
inaudita rabies 43. 44.
Pueri facinus turpe 77.

Quercus Kettiana 18.

R.

Regis clemētia erga pera-
duelles 35. 36. 44.

Robertus Dualeius 68.

Sothertonus Consiliarius
V. iij. Regis

Regis urbis statum ex-
ponit. 34.

Sheffieldij mors. 61.

V.

Vulgi furor nefarij nebu-

lonis voce incensus quo Whartoni probitas, Fides,
proruperit 8. à Rege Periculum. 30.

eiusq, Consiliarijs quæ è
Rep. decernuntur, quàm
soleat ijs interdum vul-
gi furor abuti. 3.

W.

fuxto me nullus conetur h

fuc

Lo

ides

S
fuctma

furtivus

fur
Am
me



